





卷之二十四

河內郡諸國公...  
初編

後學 天台胡三省 音注

唐紀三十

太宗皇帝大聖大明孝皇帝中之中

開元二十一年正月己巳上尊西京己丑至東都

卷一百一十四

明學士... 河內... 初編...

後學 天台胡三省 音注

通鑑三十

本宗... 大明孝皇帝中之中

元... 甲... 己... 己... 己...

資治通鑑卷第二百一十四

端明殿學士兼翰林侍讀學士大中大夫提舉西京嵩山崇福宮上柱國  
河內郡開國公食邑二千二百戶食實封九百戶賜紫金魚袋臣司馬光奉

勅編集

後學 天台胡三省 音注

唐紀三十

起闕逢闢茂盡重  
光大荒落凡八年

玄宗至道大聖大明孝皇帝中之中

開元二十二年春正月己巳上發西京己丑至東都

張九齡自韶州入見

見賢遍翻  
六日戊子

至東都已丑張九齡  
考異曰唐紀二十

至自韶州求終喪不許 二月壬寅秦州地連震壞

公私屋殆盡吏民壓死者四千餘人命左丞相蕭嵩

賑恤壞音怪賑 方士張果自言有神仙術誑人云

堯時爲侍中於今數千歲多往來恆山中恆山時屬定州恆陽

縣界誑居況 則天以來屢徵不至相州刺史韋濟薦

之上遣中書舍人徐嶠齋璽書迎之相息亮翻 庚寅

至東都肩輿入宮恩禮甚厚 張九齡請不禁鑄錢

三月庚辰敕百官議之裴耀卿等皆曰一啟此門恐

小人奔農逐利而濫惡更甚自武后以來民間 祕書

監崔沔曰若稅銅折役則官治可成計估度庸則私

鑄無利易而可久簡而難誣

沔彌克翻折之舌翻易以歧翻

且夫錢

之爲物貴以通貨利不在多何待私鑄然後足用也

右監門錄事參軍劉秩曰

唐十六衛府皆有錄事參軍正八品下掌受諸曹及

五府之外府事句稽抄目印給紙筆監古銜翻

夫人富則不可以賞勸貧則

不可以威禁若許其私鑄貧者必不能爲之臣恐貧

者益貧而役於富富者益富而逞其欲漢文帝時吳

王濞富埒天子鑄錢所致也

事見十四卷漢文帝五年濞匹備翻埒力輟翻

上乃止秩子玄之子也

劉子玄卽知幾避帝嫌名以字行

夏四月

壬辰以朔方節度使信安王禕兼關內道采訪處置

使增領涇原等十二州

處昌呂翻

吏部侍郎李林甫柔

佞多狡數深結宦官及妃嬪家伺候上動靜無不知

之伺相

吏翻由是每奏對常稱旨上悅之

稱尺

證翻時武惠妃

寵幸傾後宮生壽王清諸子莫得爲比太子浸疎薄

林甫乃因宦官言於惠妃願盡力保護壽王惠妃德

之陰爲內助由是擢黃門侍郎

考異曰舊傳云初侍中裴光庭妻武三

思女詭譎有材略與林甫私中官高力士本出三思家及光庭卒武氏銜哀所於力士請林甫代其夫位力士未敢言玄宗使中書令蕭嵩擇相久之以右丞韓休對玄宗然之乃令草詔力士遽漏於武氏乃令林甫曰休休既入相甚德林甫與嵩不和乃薦林甫堪爲宰相惠妃陰助之因拜黃門侍郎玄宗眷遇益深按光庭妻一寡婦耳豈敢遽引所私代其夫爲相韓休正直雖得林甫先報必不至薦之爲相今不取

五月戊子以裴耀卿爲侍中張九齡爲中書令林甫



爲禮部尙書同中書門下三品

爲李林甫得權太子廢張本顏真卿疏曰

天寶已後闕官袁思藝日宣詔至中書玄宗動靜必告林甫林甫先意奏請玄宗驚喜若神以此權柄恩

寵日

上種麥於苑中帥太子以下親往芟之

帥讀日宰

甚

芟所謂曰此所以薦宗廟故不敢不親且欲使汝曹

知稼穡艱難耳又徧以賜侍臣曰比遣人視田中稼

多不得實故自種以觀之

種藝之事天有雨暘之不時地有肥磽之不等而人

力又有至不至故所收有厚薄之異也若人君不奪農時人得盡其力則地無遺利矣豈必待自種而觀

其實

六月壬辰幽州節度使張守珪大破契丹

疏使

吏翻下同契欺訖翻又音喫

考異曰實錄守珪大破契丹事二十三年守珪大破之蓋實

錄以契丹即戰國時林胡地故云然

遣使獻捷薛王業疾病上憂之

容髮爲變

爲千僞紐

七月己巳薨贈諡惠宣太子

上以

裴耀卿爲江淮河南轉運使

考異曰舊紀云充江淮以南回造使今從舊

食貨志

於河口置輪場八月壬寅於輪場東置河陰倉

西置柏崖倉

高宗咸亨二年於洛州河陽縣柏崖置倉開元十年廢今復因舊基置之

三

門東置集津倉西置鹽倉鑿漕渠十八里以避三門

之險

參考新舊志乃是鑿山開車路十八里非漕渠也

先是舟運江淮之米

至東都含嘉倉僦車陸運三百里至陝率兩斛用十

錢耀卿令江淮舟運悉輸河陰倉更用河舟運至含

嘉倉及太原倉自太原倉入渭輪關中凡三歲運米

七百萬斛省僦車錢三十萬緡

按舊制東都含嘉倉積江淮之米載以大

輿運而西至于陝三百里率兩斛計庸錢千此耀卿所省之大數也十錢誤當從千錢爲是先悉薦翻

卽就翻陝失冉翻更工衡翻考異曰舊志云四十

萬貫今從耀卿傳舊志又云明年耀卿拜侍中蕭昊

代焉按耀卿二十一年建此議今年爲侍中始置河

陰倉後三年方見成効則非作侍中時解此職也

或說耀卿獻所省錢說式芮翻耀卿曰此公家贏縮之利

耳柰何以之市寵乎悉奏以爲市糴錢糴徒歷翻張果

固請歸恆山制以爲銀青光祿大夫號通玄先生厚

賜而遣之後卒好異者奏以爲尸解解佳買翻仙家所謂尸解譬猶

蟬蛻蟬飛而蛻在也上由是頗信神仙明皇改集仙

卒子恤翻好呼到翻爲集賢殿是

其初心不信神仙也至是則頗信矣又至晚年

則深信矣史言正心爲難漸入於邪而不自覺

十二月戊子朔日有食之乙巳幽州節度使張守

珪斬契丹王屈烈及可突干傳首

考異曰舊守珪傳屈烈作屈刺契

丹傳來年正月傳首今從實錄

時可突干連年爲邊患趙含章薛楚

玉皆不能討守珪到官屢擊破之可突干困迫遣使

詐降守珪使管記王悔就撫之悔至其身帳察契丹

上下殊無降意

降戶江翻下同

但稍徙營帳近西北密遣人

引突厥謀殺悔以叛悔知之

近其斬翻

身官李過折

異曰考

舊契丹傳作遇折今從實錄及守珪傳

與可突干分典兵馬爭權不叶

悔說過折使圖之

說式芮翻

過折夜勒兵斬屈烈及可突

干盡誅其黨帥餘眾來降

帥讀日率

守珪出師紫蒙川

據晉

書載記秦漢之間東胡邑于紫蒙之野唐書地理志平州有紫蒙白狼昌黎等戍蓋平州之北境契丹之

南界也 大閱以鎮撫之 梟屈烈可突于首于天津之南

梟堅 突厥毗伽可汗爲其大臣梅錄噶所毒厥九勿翻伽求

迦翻可從刊入聲 未死討誅梅錄噶及其族黨既卒

汗音寒 噶陟劣翻 子伊然可汗立尋卒弟登利可汗立卒子恤翻舊史日登利華言果

報也 考異曰舊傳伊然立詔宗正卿李詮弔祭冊

立伊然爲立碑廟無幾伊然病卒又立其弟爲登利

可汗按張九齡集敕登利可汗書云今又遣從叔金

吾大將軍佺弔祭又云建碑立廟貽範紀功然則告

喪時登利已立矣 庚戌來告喪 禁京城旬者置病

坊以廩之時病坊分置於諸寺以悲田養病本於釋教也句古太翻

二十三年春正月契丹知兵馬中郎李過折來獻捷

制以過折爲北平王檢校松漠州都督錄云同幽州考異曰實

節度副大使舊傳云授特進檢校松漠州都督按過折雖有功唐未必肯使爲幽州節度使今從舊傳

乙亥上耕籍田九推乃止

杜佑曰是年親耕有司進儀注天子三推公卿九推

庶人終畝帝欲重耕籍遂進耕五十餘步盡隴乃止推吐雷翻

公卿以下皆終畝赦

天下都城酺三日

都城謂東都城酺音蒲

上御五鳳樓酺宴觀

者諠隘樂不得奏金吾白梃如雨不能遏

隘烏懈翻梃待鼎翻

上患之高力士奏河南丞嚴安之爲理嚴

唐赤縣丞從七品理

治也唐諱治改曰理

爲人所畏請使止之上從之安之至以手

板繞場畫地曰犯此者死于是盡三日人指其畫以

相戒無敢犯者時命三百里內刺史縣令各帥所部

音樂集于樓下各較勝負

帥讀日率

懷州刺史以車載樂

工數百皆衣文繡服箱之牛皆爲虎豹犀象之狀

詩大

東曰睨彼牽牛不以服箱注云服牝服也箱大車之箱也疏云兩較之間謂之箱甫田云乃求萬斯箱書傳云長幾充箱是車內容物之處上

魯山令元德秀

惟遣樂工數人連袂歌于薦

魯山古魯縣夏孔甲時秦龍氏劉累所遷之地

漢爲魯陽縣屬南陽郡後魏置魯陽郡隋復爲魯縣屬汝州唐爲魯山縣以縣有魯山故名于薦者德秀所爲歌也薦韋委翻考異曰明皇雜錄作于薦新傳作于薦于未詳其義今從雜錄

上曰懷

州之人其塗炭乎立以刺史爲散官

散官無職事散蘇早翻德

秀性介潔質樸士大夫皆服其高上美張守珪之

功欲以爲相張九齡諫曰宰相者代天理物非賞功

之官也上曰假以其名而不使任其職可乎對曰不

可惟名與器不可以假人君之所司也

左傳記孔子之言

且

守珪纔破契丹陛下卽以爲宰相若盡滅奚厥

奚厥謂奚

與突厥厥九勿翻

將以何官賞之上乃止二月守珪詣東都

獻捷拜右羽林大將軍兼御史大夫賜二子官賞賚

甚厚

賚來代翻

初殿中侍御史楊汪旣般張審素

事見上卷

十九年

更名萬頃

更工衡翻

審素二子瑄瑋皆幼

瑄戶盲翻又音皇瑋

音秀

坐流嶺表尋逃歸謀伺便復讎

伺相吏翻

三月丁卯手

殺萬頃於都城繫表於斧言父冤狀欲之江外般與

萬頃同謀陷其父者至汜水爲有司所得

汜音祀

議者

多言二子父死非罪穉年孝烈能復父讎宜加矜宥



利翻穉直張九齡亦欲活之裴耀卿李林甫以爲如此壞

國瀆壞音怪上亦以爲然謂九齡曰孝子之情義不顧

死然殺人而赦之此塗不可啟也乃下敕曰國家設

瀆期於止殺各伸爲子之志誰非徇孝之人展轉相

讎何有限極咎繇作士咎與皋同古勞翻繇與陶同餘招翻瀆在必行

曾參殺人亦不可恕空付河南府杖殺士民皆憐之

爲作哀誄榜於衢路爲于僞翻誄魯水翻市人斂錢葬之於北

邨恐萬頃家發之仍爲疑冢數處多作冢以疑之使莫知其所葬之的

處唐初公主實封止三百戶中宗時太平公主至

五千戶率以七丁爲限開元以來皇妹止千戶皇女

又半之皆以三丁爲限駙馬皆除三品員外官而不

任以職事公主邑人至少至不能具車服

少詩沼細

左右

或言其太薄上曰百姓租賦非我所有戰士出死力

賞不過束帛女子何功而享多戶邪且欲使之知儉

嗇耳秋七月咸宜公主將下嫁

咸宜公主下嫁楊洞

始加實封

至千戶公主武惠妃之女也于是諸公主皆加至千

戶冬十月戊申突騎施寇北庭及安西撥換城

騎奇

寄閏月壬午朔日有食之

考異曰舊紀作十一月壬申朔按長曆十一

翻月壬子朔今從實錄唐曆

十二月乙亥冊故蜀州司戶楊玄琰

女爲壽王妃

爲帝納妃於後宮以亂國張本

考異曰實錄載冊文云玄璣長女按陳鴻長

恨歌傳云詔高力士潛搜外宮得楊玄琰女於壽邸  
舊貴妃傳云玄琰女早孤養於叔父玄敷又云或奏  
玄琰女容色冠代宜蒙召見時妃衣道士服號太真  
新傳云始爲壽王妃云云遂召內禁中卽爲自出妃  
意者句籍女官號太真更爲壽王娶韋  
昭訓女而太真得幸舊史蓋諱之耳  
玄琰汪之曾

孫也

楊汪見一百八十三卷  
隋煬帝大業十二年

是歲契丹王過折爲

其臣涅禮所殺

涅奴結翻考異曰舊傳過折爲可突  
干餘黨泥裏所殺不云朝廷如何處

置泥裏今據張九齡集有此賜契丹都督涅禮敕又  
有賜張守珪敕云涅禮自擅難以義責而未有名位  
恐其不安卿可宣示朝旨使  
知無它也蓋泥裏卽涅禮也并其諸子一子刺乾奔

安東得免

刺盧達翻乾音干開元二  
年移安東都護府於平州

涅禮上言過折

用刑殘虐眾情不安故殺之上赦其罪因以涅禮爲

松漠都督且賜書責之曰卿之蕃濩多無義於君長

長知  
兩翻

自昔如此朕亦知之然過折是卿之王有惡輒

殺之爲此王者不亦難乎但恐卿爲王後人亦爾常

不自保誰願作王亦應防慮後事豈得取快目前突

厥尋引兵東侵奚契丹涅禮與奚王李歸國擊破之

二十四年春正月庚寅敕天下逃戶聽盡今年內自

首有舊產者令還本貫無者別俟進止踰限不首首式

又翻當命專使搜求散配諸軍使疏吏翻

北庭都護蓋嘉

運擊突騎施大破之蓋古盍翻姓也

二月甲寅宴新除縣

令於朝堂上作令長新戒一篇賜天下縣令

朝直遙翻長知

兩翻庚午更皇子名

更工衡翻考異曰舊紀唐麻二十三年七月景子皇太子諸

王皆改名鴻曰瑛潭曰琮浚曰璵洽曰珍涓曰瑤湜  
今從實錄

曰琬澗曰瑒濼曰璫璫音遂澆曰璫璫音了澤曰璘清曰

瑁瑁音冒澗曰玢玢音貧沐曰琦溢曰環沔曰理泚曰玼

濯曰珪澄曰珙漣曰瑱瑱音甸澗曰璿璿音宣滔曰璫璫音居

影舊制考功員外郎掌試貢舉人有進士李權陵

侮員外李昂議者以員外郎位卑不能服眾三月壬

辰敕自今委禮部侍郎試貢舉人張守珪使平盧

討擊使左驍衛將軍安祿山討奚契丹叛者擊使疏

堅堯翻祿山恃勇輕進爲虜所敗夏四月辛亥守珪

奏請斬之祿山臨刑呼曰敗蒲邁翻大夫不欲滅奚

契丹邪柰何殺祿山守珪亦惜其驍勇乃更執送京

師張九齡批曰昔穰苴誅莊賈

史記齊景公使司馬穰苴爲將穰苴曰願

得君之寵臣以監軍景公使莊賈往賈素驕貴穰苴與之約日中會于軍門夕時乃至穰苴以賈後期斬

之以令三軍批匹迷翻

孫武斬宮嬪

孫武以兵法見吳王闔廬吳王

判也今人謂之批判

曰可以勒兵小試於婦人乎曰可於是出宮中美女百八十人分爲二隊以王寵姬二人各爲隊長皆令

持戟約束既布三令五申於是鼓之右婦人大笑孫子曰約束不行申令不熟將之罪也復三令五申而

鼓之左婦人復大笑孫子斬左右隊長以徇用其次爲隊長而復鼓婦人左右前後跪起皆中繩墨規矩

於是吳王知孫子能用兵以爲將

守珪軍令若行祿山不空免死上

惜其才敕令免官以白衣將領

將卽亮翻九齡固爭曰祿山失律喪師於瀟不可不誅且臣觀其貌有反相不

殺必爲後患

喪息浪翻相息亮翻

上曰卿勿以王夷甫識石勒

枉害忠良

晉石勒年十四隨邑人行販洛陽倚嘯上東門王衍見而異之願謂左右曰向者胡

雛吾觀其聲視有奇志恐將爲

竟赦之

考異曰玄宗

天下之患馳遣收之會勒已去

亥張守珪奏祿山統戎失律挫敗軍威請依軍法決

斬許之祿山臨刑抗聲言曰兩蕃未和忍殺壯士豈

爲大夫謀也守珪以祿山嘗捷於擒生聞其言遂捨

之以聞肅宗實錄云祿山爲互市牙郎盜羊事發守

珪怒追捕至欲擊殺之祿山大呼曰大夫不欲滅奚

契丹兩蕃邪而殺壯士守珪奇其貌壯其言遂釋之

姚汝能作祿山事迹其盜羊事與肅宗實錄同又云

二十一年守珪令祿山奏事中書令張九齡見之謂

裴光庭曰亂幽州者此胡也又云二十四年祿山爲

平盧將討奚契丹失利守珪奏請斬之九齡批曰穰

苴出征必誅莊賈孫武行令亦斬宮嬪守珪軍令若

行祿山不宐免死玄宗惜其勇銳但令免官白衣展

効九齡奏請誅之玄宗曰卿豈以王夷甫識石勒便

臆斷祿山難制邪竟不誅之孫樵作西齋錄其序曰

張守珪以安祿山叛者何貸刑拂教稔禍階也祿山  
乃張守珪部將嘗犯令張曲江令守珪斬之不從果  
使亂天下故書曰張守珪以安祿山叛舊張九齡傳  
云張守珪以裨將安祿山討奚契丹敗衄執送京師  
請行朝典九齡奏劾曰穰苴出軍必誅莊賈孫武教  
戰亦斬宮嬪守珪軍令必行祿山不宐免死上特捨  
之九齡奏曰祿山狼子野心面有逆相臣請因罪戮  
之冀絕後患上曰卿勿以王夷甫知石勒故事誤害  
忠良遂放歸蕃新傳語裴光庭事如事迹執送京師  
事如舊傳舊祿山傳盜羊事如事迹而無失利請斬  
事新傳亦然舊傳仍云二十年守珪爲幽州節度使  
祿山盜羊事覺按裴光庭二十一年卒是年冬九齡  
乃爲相云與光庭語誤也孫樵云曲江令守珪斬之  
尤爲失實實錄二十一年守珪猶在隴右與吐蕃立  
分界碑未至幽州舊傳云二十年爲節度亦誤也按  
祿山若始爲互市牙郎守珪安能知其終亂天下釋  
而不殺孫樵豈得以叛罪加之耶若如舊九齡傳守  
珪執送京師玄宗自赦之則守珪何罪而時人咎之  
也若謂盜羊喪師兩次當死則祿山豈祇用辭而得  
免兩死邪若如玄宗實錄守珪奏請行法得報聽許



感其一言輒舍之則守珪必不敢輕易反覆如此且九齡何從而得見其面而云面有逆相邪若云守珪未嘗奏請行法則張九齡集有賜守珪敕云禎山等輕我兵威曾不審料致令損失宐其就誅卿既行之軍濃合爾又賜平盧將士敕云安祿山之誅緣輕敵太過勿因此畏懦致失後圖是當時曾許之行誅矣若云守珪自捨之非玄宗意則又賜守珪敕云祿山勇而無謀遂至失利衣甲資盜挫我軍威論其輕敵合加重罪然初聞勇鬪亦有誅殺又寇戎未滅軍令從權故不以一敗弃之將欲收其後效也不行薄責又無所懲宐且停官令白衣將領卿更審量本狀亦任隨事處之今以諸書參考蓋祿山失律守珪奏請行濃故前敕云卿既行之軍濃合爾又云祿山之誅緣輕敵太過似謂守珪已誅之矣既而守珪感其言惜其驍勇欲殺則不忍欲捨則先已奏聞且恐不能厭服將士之心或者報未到故執送京師使上自裁之冀上見其材力而赦之亦猶陳平執樊噲衛青囚蘇建耳上因是欲赦之而九齡執奏云守珪軍令若行祿山不宐免死是并劾守珪不斷於闔外乃更執以諉上之辭也九齡因此見之而云面有逆相上終

欲救之故九齡不得已草敕云卿更審量本狀隨寧處之守珪得此敕卽捨之以聞如此則與玄宗實錄相應而於人安祿山者本營州雜胡初名阿摩山其情差似相近

**母巫也**

新書曰祿山本姓康其母居突厥中禱于軋

從母冒姓安氏阿烏葛翻華呂角翻

**父死母攜之再適突厥安延偃會**

**其部落破散與延偃兒子思順俱逃來故冒姓安氏**

**名祿山又有史窳干者**

窳蘇骨翻

**與祿山同里閉先後一**

**日生**

考異曰舊傳云思明除日生祿山元日生按祿山事迹天寶十載正月二十日上及貴妃爲

祿山作生日今不取

**及長相親愛皆爲互市牙郎以驍勇聞**

牙郎

駟儉也南北物價定於其口而後相與貿易

**張守珪以祿山爲捉生將祿**

**山每與數騎出輒擒契丹數十人而返狡猾善揣人**

情將自亮翻騎奇

寄翻揣初委翻

守珪愛之養以爲子宰干嘗負官

債亡入奚中爲奚遊奕所得欲殺之宰干給曰我唐

之和親使也

紿湯亥翻使疏吏翻

汝殺我禍且及汝國遊奕信

之送詣牙帳宰干見奚王長揖不拜奚王雖怒而畏

唐不敢殺以客禮館之

館古玩翻

使百人隨宰干入朝宰

干謂奚王曰王遣人雖多觀其才皆不足以見天子

聞王有良將瑣高者何不使之入朝

瑣高者蓋奚中酋豪之號非人

名也前已有李詩瑣高將卽亮翻朝直遙翻

奚王卽命瑣高與牙下三百

人隨宰干入朝宰干將至平盧先使人謂軍使裴休

子曰奚使瑣高與精銳俱來聲云入朝實欲襲軍城

空謹爲之備先事圖之休子乃具軍容出迎至館悉

阮毅其從兵執瑣高送幽州使疏吏翻先悉薦翻從才用翻張守珪

以宰干爲有功奏爲果毅累遷將軍後入奏事上與

語悅之賜名思明安史事始此故連州司馬武攸望之

子溫育坐交通權貴杖死帝平韋氏武攸望貶死睿時刃翻乙丑朔

方河東節度使信安王禕貶衢州刺史廣武王承宏

貶房州別駕涇州刺史薛自勸貶澧州別駕皆坐與

溫育交遊故也承宏守禮之子也幽王守禮章懷太子賢之子辛

未蒲州刺史王琚貶通州刺史坐與禕交書也五

月醴泉妖人劉志誠作亂驅掠路人將趣咸陽妖於喬翻

趣七  
喻翻 村民走告縣官焚橋斷路以拒之斷音短其眾遂

潰數日悉擒斬之 六月初分月給百官俸錢 初

上因籍田赦命有司議增宗廟籩豆之薦及服紀未

通者太常卿韋縉奏請宗廟每坐籩豆十二縉土刀翻坐徂

臥兵部侍郎張均職方郎中韋述議曰聖人知孝子

之情深而物類之無限故爲之節制人之嗜好本無

憑準宴私之饌與時遷移故聖人一切同歸於古屈

到嗜芟屈建不以薦以爲不以私欲干國之典國語楚屈

到嗜芟有疾召其宗老而屬之曰祭我必以芟及祥

宗老將薦芟屈建命去之曰國君有牛享大夫有羊

饋士有豚犬之奠庶人有魚炙之薦籩豆脯醢則上

下共之不羞珍異不陳庶侈不以其私欲干國之典

遂不用芟奇寄翻芟一名芟說文曰楚謂之芟秦謂之薜若今俗但言薜芟武陵記四角三角曰芟兩角

曰薜好呼到翻去羌呂翻今欲取甘旨肥濃皆充祭用苟踰舊制

其何限焉書曰黍稷非馨明德惟馨書成王命君陳之言若以

今之珍饌平生所習求神無方何必泥古則簠簋可

去而盤盂盃椀當在御矣韶濩可息而箏篪箏笛當

在奏矣舜樂曰韶湯樂曰濩箏篪漢武帝使樂人侯調所作或云侯禪所作今按其形似瑟而小

七絃用撥彈之如琵琶舊唐書曰箏篪胡樂也漢靈帝好之體曲而長二十三絃豎抱于懷用兩手齊奏

俗名擘箏篪鳳首箏篪有項加軫七絃鄭善子作開元中進形如阮咸其下缺小而身大旁有小缺取其

身便也一日箏篪乃鄭衛之音權輿以其亡國之聲故號空國之侯亦曰坎侯風俗通云漢武帝時丘仲

作笛按周禮笙師掌教籥籥又云起於羌人後漢馬融所賦橫笛空洞無底刺其二孔五孔一出其背正

似今之尺八李善爲之注七孔今一尺四寸此乃今  
之橫笛耳太常鼓吹部中所謂橫吹非融所賦者融  
賦易京君明識音律故本四孔加以一君明所加孔  
後出是謂商聲五音畢沈約宋書亦云京房備其五  
音周禮笙師注杜子春云箛乃今時所吹五孔箛以  
融約所記論之則古箛不應有五孔子春之說亦未  
爲然今三禮圖畫箛亦橫設而有五孔不  
知出何典據箛與笛同簫音甫簫居洧翻

後嗣何觀夫神以精明臨人者也不求豐大苟失於

禮雖多何爲豈可廢棄禮經以從流俗且君子愛人

以禮不求苟合況在宗廟敢忘舊章太子賓客崔沔

議曰祭祀之興肇於太古茹毛飲血則有毛血之薦

未有麴蘖則有玄酒之奠司烜氏以鑿取明水於月爲玄酒蘖魚列翻施

及後王禮物漸備施弋智翻然以神道致敬不敢廢也籩

豆簠簋樽鬯之實皆周人之時饌也其用通於宴饗

賓客而周公制禮與毛血玄酒同薦鬼神國家由禮

立訓因時制範清廟時饗禮饌畢陳用周制也

如簠簋

豆剡羹之類饌籩園陵上食時膳具設遵漢灋也

如叔

孫通請薦含桃職貢來祭致遠物也有新必薦順時

令也苑囿之內躬稼所收蒐狩之時親發所中莫不

薦而後食盡誠敬也若此至矣復何加焉

中竹仲翻復扶又翻

但當申敕有司無或簡怠則鮮美肥濃盡在是矣不

必加籩豆之數也

自此以上諸人之議皆因舊禮而申之

上固欲量加

品味量音綰又奏每室加籩豆各六四時各實以新



果珍羞從之。緇又奏喪服舅總麻三月從母外祖父

母皆小功五月外祖至尊同於從母之服姨舅一等

服則輕重有殊

姨卽從母也從才用翻

堂姨舅親卽未疎恩絕

不相爲服舅母來承外族不如同爨之禮竊以古意

猶有所未暘者也請加外祖父母爲大功九月姨舅

皆小功五月堂舅堂姨舅母並加至袒免

五服止於總麻此外

有袒免之服袒者偏脫衣袖而露其肩免者以布廣一寸從項中而前交於額上又卻向後繞於髻袒音

但免音問

崔沔議曰正家之道不可以貳總一定義理歸

本宗是以內有齊斬

齊音咨

外皆總麻尊名所加不過

一等此先王不易之道也願守八年明旨一依古禮

崔河所謂詔旨見二百十二卷七年曰八年者通帝卽位先天之年數之也

以爲萬代成

瀟韋述議曰喪服傳曰禽獸知母而不知父野人曰

父母何等焉都邑之士則知尊禰矣

傳直戀翻禮奴禮翻

大夫

及學士則知尊祖矣聖人究天道而厚於祖禰繫族

姓而親其子孫母黨比於本族不可同貫明矣今若

外祖與舅加服一等堂舅及姨列於服紀則中外之

制相去幾何廢禮徇情所務者末古之制作者知人

情之易搖恐失禮之將漸別其同異輕重相懸

易以政翻

別彼列翻

欲使後來之人永不相雜微旨斯在豈徒然哉

苟可加也亦可減也往聖可得而非則禮經可得而

曠矣先王之制謂之彝倫

彝常也倫道理次

敘奉以周旋猶恐

失墜一紊其敘庸可止乎請依儀禮喪服爲定

紊音問

禮部員外郎楊仲昌議曰

唐禮部郎掌五禮舉其儀制而辯其名數

鄭文

貞公魏徵始加舅服至小功五月雖文貞賢也而周

孔聖也以賢改聖後學何從竊恐內外乖序親疎奪

倫情之所沿何所不至昔子路有姊之喪而不除孔

子曰先王制禮行道之人皆不忍也子路除之

見記檀弓

此則聖人援事抑情之明例也記曰母輕議禮

禮器之言

明其蟠於天地並彼日月賢者由之安敢損益也敕

姨舅旣服小功舅母不得全降宐服總麻堂姨舅宐

服袒免均說之子也

說讀曰悅

秋八月壬子千秋節羣

臣皆獻寶鏡張九齡以爲以鏡自照見形容以人自

照見吉凶乃述前世興廢之源爲書五卷謂之千秋

金鏡錄上之

上時掌翻

上賜書褒美

甲寅突騎施遣其

大臣胡祿達干來請降許之

騎奇寄翻降戶江翻

御史大夫

李適之承乾之孫也以才幹得幸於上數爲承乾論

辯甲戌追贈承乾恆山愍王

承乾廢見一百九十七卷太宗貞觀十七年數

所角翻爲于僞翻恆戶登翻

乙亥汴哀王璿薨

冬十月戊申

車駕發東都先是敕以來年二月二日行幸西京

先悉

會宮中有怪明日上召宰相卽議西還裴耀卿張

九齡曰今農收未畢請俟仲冬李林甫潛知上指二  
相退林甫獨畱言於上曰長安洛陽陛下東西宮耳  
往來行幸何更擇時借使妨於農收但應蠲所過租  
稅而已

蠲圭  
玄翻

臣請宣示百司卽日西行上悅從之過

陝州以刺史盧奐有善政題贊於其聽事而去

稱人之美

曰贊陝失冉  
翻聽讀曰廳

奐懷慎之子也丁卯至西京 朔方節

度使牛仙客前在河西能節用度勤職業倉庫充實  
器械精利上聞而嘉之欲加尙書張九齡曰不可尙  
書古之納言唐興以來惟舊相及敷歷中外有德望  
者乃爲之仙客本河湟使典

事見上卷十五年相  
息亮翻使疏吏翻

今

驟居清要恐羞朝廷上曰然則但加實封可乎對曰

不可封爵所以勸有功也邊將實倉庫修器械乃常

務耳

將即亮翻

不足爲功陛下賞其勤賜之金帛可也裂

土封之恐非其宜上默然李林甫言於上曰仙客宰

相才也何有於尙書九齡書生不達大體

考異曰舊林甫傳

曰林甫以九齡言告仙客仙客翌日見上泣讓官爵按時不聞仙客在京今從唐麻

上悅明日

復以仙客實封爲言

復扶又翻

九齡固執如初上怒變色

曰事皆由卿邪九齡頓首謝曰陛下不知臣愚使待

罪宰相事有未允臣不敢不盡言上曰卿嫌仙客寒

微如卿有何閥閱九齡曰臣嶺海孤賤

九齡韶州人

不如

仙客生於中華

牛仙客涇州人

然臣出入臺閣典司誥命有

年矣

九齡歷司勳員外郎中書舍人

仙客邊隅小吏目不知書若大

任之恐不愜眾望

叶翻愜苦

林甫退而言曰苟有才識何

必辭學天子用人有何不可十一月戊戌賜仙客爵

隴西縣公食實封三百戶

初上欲以李林甫爲相

問於中書令張九齡九齡對曰宰相繫國安危陛下

相林甫臣恐異日爲廟社之憂上不從時九齡方以

文學爲上所重林甫雖恨猶曲意事之侍中裴耀卿

與九齡善林甫并疾之是時上在位歲久漸肆奢欲

怠於政事而九齡遇事無細大皆力爭林甫巧伺上

意日思所以中傷之

伺相吏翻中竹仲翻

上之爲臨淄王也趙

麗妃皇甫德儀劉才人皆有寵

帝置六儀其一也

麗妃生

太子瑛德儀生鄂王瑤才人生光王瑒及卽位幸武

惠妃麗妃等愛皆弛惠妃生壽王瑁寵冠諸子太子

與瑤琚會于內第

時太子諸王皆居禁中冠古玩翻

各以母失職有

怨望語駙馬都尉楊洄尙咸宜公主常伺三子過失

以告惠妃

咸宜公主武惠妃之女故楊洄黨于惠妃

惠妃泣訴於上曰太

子陰結黨與將害妾母子亦指斥至尊上大怒以語

宰相欲皆廢之

語牛倨翻

九齡曰陛下踐阼垂三十年太

子諸王不離深宮

離力智翻

日受聖訓天下之人皆慶陛



下享國久長子孫蕃昌

蕃音煩

今三子皆已成人不聞

大過陛下柰何一旦以無根之語喜怒之際盡廢之

乎且太子天下本不可輕搖昔晉獻公聽驪姬之讒

殺申生三世大亂

左傳晉獻公殺其世子申生立驪姬之子里克殺之公子夷吾重耳

及子圍爭國三世大亂

漢武帝信江充之誣罪戾太子京城流

血

事見漢紀

晉惠帝用賈后之言黜太子勇立煬帝遂失

事見晉紀

隋文帝納獨孤后之言黜太子勇立煬帝遂失

天下

事見隋紀

由此觀之不可不慎陛下必欲爲此臣不

敢奉詔上不悅林甫初無所言退而私謂宦官之貴

幸者曰此主上家事何必問外人上猶豫未決惠妃

密使官奴牛貴兒謂九齡曰有廢必有興公爲之援

宰相可長處九齡叱之以其語白上上爲之動色處昌

呂翻上爲子僞翻故訖九齡罷相太子得無動林甫日夜短

九齡於上上浸疎之見屢陳仙客實封九齡頗懷誹

謗于時方秋上命高力士以白羽扇賜之九齡惶恐

作賦以獻新傳亦云然按實錄仙客加實封在十月

而九齡集白羽扇賦序云開元二十四年夏盛暑奉

敕使大將軍高力士賜宰相白羽扇九齡預焉竊有

所感立獻賦云云敕報曰朕近賜羽扇聊以滌暑佳

彼勁翻方資利用與夫弃捐篋笥義不同也然則上

處昌

林甫請

懷誹

恐

奉

有

佳

上

讀

昺古

嘗對中書侍郎嚴挺之讀

林甫引蕭昺爲

戶部侍郎昺素不學

伏臘爲伏獵挺之言於九齡曰省中豈容有伏獵侍

郎由是出炁爲岐州刺史故林甫怨挺之九齡與挺

之善欲引以爲相嘗謂之曰李尙書方承恩

李林甫時以禮

部尙書相

足下宐一造門與之款暱挺之素負氣薄林甫

爲人竟不之詣林甫恨之益深挺之先娶妻出之更

嫁蔚州刺史王元琰元琰坐贓罪下三司按鞫挺之

爲之營解林甫因左右使於禁中白上上謂宰相曰

挺之爲罪人請屬所由

造七到翻更工衡翻蔚紆勿  
翻下還嫁翻爲于僞翻屬之

欲翻九齡曰此乃挺之出妻不宐有情上曰雖離乃復

有私

復扶又翻  
下無復同

於是上積前事以耀卿九齡爲阿黨

壬寅以耀卿爲左丞相九齡爲右丞相並罷政事以

林甫兼中書令仙客爲工部尙書同中書門下三品

領朔方節度如故

考異曰唐麻曰宰相遙領節度自仙客始按蕭嵩已遙領河西非

始嚴挺之貶洛州刺史

舊志洛州京師東北一千五百八十五里

王元琰

流嶺南上卽位以來所用之相姚崇尙通宋璟尙濔

張嘉貞尙吏張說尙文李元絃杜暹尙儉韓休張九

齡尙直各其所長也九齡旣得舉自是朝廷之士皆

容身保位無復直言李林甫欲蔽塞人主視聽自專

大權明召諸諫官謂曰今明主在上羣臣將順之不

暇烏用多言諸君不見立仗馬乎食三品料一鳴輒

斥去悔之何及

塞悉則翻去羌呂翻唐舊儀每日尙乘以廢馬八匹分爲左右廂立於正

殿側宮門外俟仗下卽散若大陳設則馬在樂懸之  
北與大象相次進馬二人戎服執鞭侍立于馬之左

隨馬進退考異曰唐厩作杜璵今補闕杜璵嘗上書言事璵資辛翻上時掌翻

從新書從七品上以此言之則非黜明日黜爲下邳令唐制上縣令從六品上補闕

也蓋唐人重內官而品之高下不論也況遺補供奉官地居清要乎自是諫爭路絕矣

牛仙客既爲林甫所引專給唯諾而已爭讀曰諍唯于癸翻然

二人皆謹守格式百官遷除各有常度雖奇才異行

不免終老常調其以巧諂邪險自進者則超騰不次

自有它蹊矣林甫城府深密人莫窺其際好以甘言

啗人而陰中傷之不露辭色凡爲上所厚者始則親

結之及位勢稍逼輒以計去之行下孟翻調徒弔翻中竹仲翻去羌呂翻

雖老姦巨猾無能逃於其術者

如韋堅楊慎矜王鉷之類是也

二十五年春正月初置玄學博士

崇玄學習老子莊子文子列子亦曰

道舉

每歲依明經舉

二月敕曰進士以聲韻爲學多

昧古今明經以帖誦爲功罕窮旨趣自今明經問大

義十條對時務策三首進士試大經十帖 戊辰新

羅王興光卒

卒子恤翻

子承慶襲位 乙酉幽州節度使

張守珪破契丹於捺祿山

使疏吏翻契歎訖翻又音喫捺奴軋翻

己

亥河西節度使崔希逸襲吐蕃破之於青海西初希

逸遣使謂吐蕃乞力徐曰兩國通好今爲一家何必

更置兵守捉妨人耕牧請皆罷之乞力徐曰常侍忠

厚

吐從噉入聲崔希逸蓋帶散騎常侍鎮河西故稱之使疏吏翻好呼到翻捉仄角翻

言必不

欺然朝廷未必專以邊事相委萬一有姦人交鬪其

間掩吾不備悔之何及希逸固請乃刑白狗爲盟各

去守備于是吐蕃畜牧被野

朝直遙翻去羌呂翻被皮義翻畜許救翻

時

吐蕃西擊勃律勃律來告急上命吐蕃罷兵吐蕃不

奉詔遂破勃律上甚怒會希逸僉人孫誨入奏事

僉苦

念翻僉從也唐制凡諸軍鎮大使副使以下皆有僉人別奏以爲之使大使僉二十五人別奏十人副使

僉二十人別奏八人

自欲求功奏稱吐蕃無備請掩擊必大獲

上命內給事趙惠琮與誨偕往審察事宜

唐內侍省有內給事

十人從五品下掌承旨勞問分判省事凡元日冬至百官賀皇后則出入宣傳宮人衣服費用則具品秩

計其多少春  
秋宣送中書  
惠琮等至則矯詔令希逸襲之希逸不

得已發兵自涼州南入吐蕃二千餘里至青海西與

吐蕃戰大破之斬首二千餘級乞力徐脫身走惠琮

誨皆受厚賞自是吐蕃復絕朝貢  
復扶又翻下而復同朝直遙翻

夏四月辛酉監察御史周子諒彈牛仙客非才引讖

書爲證  
薛居正五代史曰天后朝有讖辭云首尾三鱗六十年兩角犢子自狂顛龍蛇相鬪血成

川當時好事者解云兩角犢子牛也必  
有牛姓干唐祚監古銜翻彈徒丹翻上怒命左右

擲于殿庭  
擲蒲角翻擊也又匹角翻絕而復蘇仍杖之朝堂流瀼

州至藍田而死  
瀼如羊翻又而章翻藍田縣漢晉屬京兆後魏眞君七年併入霸城太和

十一年復後周置藍田郡隋廢郡爲縣屬京兆府九  
域志在府東南七十里考異曰舊紀云子諒以妄



陳休咎於朝堂決殺實錄此月則日子諒彈奏仙客  
非才引妖讖爲證上怒召入禁中責之左右拉者數  
四氣絕而蘇及仙客傳則云子諒竊言於御史大夫  
李適之曰牛仙客不才濫登相位大夫國之懿親豈  
得坐觀其事適之遽奏子諒之言上大怒廷詰子諒  
子諒辭窮於朝堂決杖配流瀼州行至藍田死舊仙  
客傳亦然今從此月實錄及舊紀柳宗元周君墓碣  
云有唐貞臣汝南周氏諱某字某又曰在天寶年有  
以詔諛至相位賢臣放退公爲御史抗言以白其事  
得死于墀下宗元集此碣雖無名字然其事則子諒  
也云在天寶年誤矣

李林甫言子諒張九齡所薦也甲子貶九

齡荆州長史

楊洄又奏太子瑛鄂王瑤光王琚云

與太子妃兄駙馬薛鏞潛構異謀

鏞息六翻又息救  
考異曰新傳

曰二十五年洄復構瑛瑤琚與妃之兄薛鏞異謀惠  
妃使人詭召太子二王曰宮中有賊請介以入太子  
從之妃白帝曰太子二王謀反甲而來帝使中人視  
之如言遽召宰相林甫議答曰陛下家事非臣所宜

豫帝意決乃廢瑛等按瑛等與惠妃相猜忌已久雖承妃言豈肯遽被甲入宮又按廢太子制書云陷元良於不友誤二子於不義不言被甲入宮也蓋洞諧瑛等云欲害壽王瑁耳今從舊傳但云潛構異謀

上召宰相謀之李林甫對曰此陛下家事非臣等所

宜豫上意乃決乙丑使宦者宣制於宮中廢瑛瑤瑒

爲庶人

於宮中廢之用李林甫家事之言也

考異

人以罪廢壽王以母寵子愛議者頗有奪宗之嫌道路憫默朝野疑愬公乃從容請問慷慨獻諫上述新城之殷鑒下陳戾園之元龜謂興亡之由在廢立之地天子感悟改容以謝因詔以給事中授公公曰陛下絕招諫之路爲日固久今臣一言而荷殊寵則言者眾矣何以錫之上善其敏而多其讓乃止不拜尋除尚書祠部員外郎按積光庭之子當是時周子諒杖死張九齡遠貶積若敢爲太子直冤則聲振宇宙豈得湮沒無聞而諸書皆不言此事蓋出於及之虛美耳

流鏽於灑州瑛瑤瑒尋

賜死城東驛鏞賜死於藍田瑤琚皆好學有才識死

不以罪人皆惜之

好呼到翻

丙寅瑛舅家趙氏妃家薛氏

瑤舅家皇甫氏坐流貶者數十人惟瑤妃家韋氏以

妃賢得免 五月夷州刺史楊濬坐贓當死上命杖

之六十流古州

夷州漢牂柯地其後爲徽外隋開置綏陽縣屬明陽郡武德四年置夷州

於思州寧夷縣明陽屬焉而綏陽屬義州貞觀元年廢夷州而明陽寧夷屬務州四年復置夷州於黔州

都上縣尋又自都上移於綏陽貞觀十二年李弘節開夷獠置古州屬容州都督府

左丞相裴

耀卿上疏以爲決杖贖死恩則甚優解體受笞事頗

爲辱止可施之徒隸不當及於士人上從之 癸未

敕以方隅底定令中書門下與諸道節度使量軍鎮

閑劇利害審計兵防定額於諸色征人及客戶中召募丁壯長充邊軍增給田宅務加優恤 辛丑上命

有司選宗子有才者授以臺省及瀧官京縣官敕曰

違道慢常義無私於王瀧修身効節恩豈薄於它人

期於帥先勵我風俗帥讀日率 秋七月己卯大理少卿

徐嶠考異曰舊紀作徐嶠今從刑瀧志通典 奏今歲天下斷死刑五十

八大理獄院由來相傳殺氣太盛烏雀不栖今有鵲

巢其樹于是百官以幾致刑措上表稱賀斷丁亂翻幾居依翻

上時掌翻 上歸功宰輔庚辰賜李林甫爵晉國公牛仙客

幽國公考異曰實錄七月戊寅有司奏囚減少上歸美宰臣制曰斷獄五十殆至無刑遂封二人

又十月丙午上因聽政問京城囚徒有司奏有五十人怡然有喜色下制曰日者叢棘之地烏鵲來巢今

結譜刑名總通五十其刑部侍郎鄭少微等各賜中上考二者未詳其爲一事二事今從舊紀上命

李林甫牛仙客與瀛官刪修律令格式成九月壬申

頒行之先是西北邊數十州多宿重兵先悉地租

營田皆不能贍贍而始用和糴之瀛有彭果者因牛

仙客獻策請行糴瀛於關中戊子敕以歲稔穀賤傷

農命增時價什二三和糴東西畿粟各數百萬斛東

都畿也西畿京畿也糴他歷翻停今年江淮所運租自是關中蓄積

羨溢羨延車駕不復幸東都矣復扶癸巳敕河南北

租應輸含嘉太原倉者據李泌傳太原倉在陝州西皆畱輸本州

太常博士王璵

璵音余

考異曰舊傳不言璵鄉里世系新傳云方慶六世孫又新

舊傳皆云抗疏請置春壇因遷太常博士不知其本何官也新表王方慶五世孫璵事肅宗按方慶長安二年卒距此才三十六年不應已有五世六世孫能上疏恐璵偶與之同名實非也今不取

上疏

請立青帝壇以迎春從之冬十月辛丑制自今立春

親迎春於東郊時上頗好祀神鬼

好呼到翻

故璵專習祠

祭之禮以干時上悅之以爲侍御史領祠祭使璵祈

禱或焚紙錢類巫覡

漢以來喪葬有瘞錢後世俚俗稍以紙寓錢爲鬼事使疏吏翻

覡刊習禮者羞之

狄翻壬申上幸驪山溫泉乙酉還宮

己丑開府儀同三司廣平文貞公宋璟薨

十二

月丙午惠妃武氏薨贈諡貞順皇后

是歲命將作

大匠康譽素之東都毀明堂

譽與愆同籀文也新書禮樂志作譽素

督

素上言毀之勞人請去上層

去荒呂翻

卑於舊九十五尺

仍舊爲乾元殿從之

初令租庸調租資課

調徒弔翻

皆

以土物輸京都

西京東都租庸調高祖太宗之澧租資課必開元以來之澧

二十六年春正月乙亥以牛仙客爲侍中

丁丑上

迎氣於澧水之東

澧音產

制邊地長征兵召募向足

自今鎮兵勿復遣

復扶又翻

在彼者縱還

令天下州縣

里別置學

壬辰以李林甫領隴右節度副大使以

鄴州都督杜希望知畱後

鄴時戰翻又音善

二月乙卯以牛

仙客兼河東節度副大使

牛仙客先己領朔方今兼河東

己未葬

貞順皇后于敬陵

武惠妃諡貞順皇后敬陵在京兆萬年縣東南四十里

壬

戊敕河曲六州胡坐康待賓散隸諸州者聽還故土

於鹽夏之間置宥州以處之

徙六胡州見二百一十二年今併六胡州之

地以爲宥州舊志宥州去京師二千一百里夏戶雅翻處昌呂翻

三月吐蕃寇河

西節度使崔希逸擊破之鄯州都督知隴右畱後杜

希望攻吐蕃新城拔之以其地爲威戎軍

鄯州星宿川西北三

百五十里有威戎軍

考異曰舊傳作威武軍今從實錄

置兵一千戍之

夏五

月乙酉李林甫兼河西節度使

已領隴右又兼河西

丙申以崔

希逸爲河南尹希逸自念失信於吐蕃

以背乞力徐之盟也內

懷愧恨未幾而卒

幾居豈翻

太子瑛旣死李林甫數勸



上立壽王瑁上以忠王瑒年長且仁孝恭謹又好學

意欲立之猶豫歲餘不決自念春秋浸高三子同日

誅死繼嗣未定常忽忽不樂寢膳爲之減高力士乘

間請其故

數所角翻長知兩翻好呼到翻  
樂音洛爲干僞翻問古莧翻

上曰汝我

家老奴豈不能揣我意

揣初委翻

力士曰得非以郎君未

定耶上曰然對曰大家何必如此虛勞聖心但推長

而立

長知兩翻  
大柄注謂肅宗也

考異曰統紀敘力士語云但從  
大柄語不可曉今從新傳誰

誰

敢復爭

復扶又翻

上曰汝言是也汝言是也由是遂定六

月庚子立瑒爲太子辛丑以岐州刺史蕭炅爲河

西節度使總畱後事鄴州都督杜希望爲隴右節度

使太僕卿王昱爲劔南節度使

考異曰舊傳作王昊今從實錄唐麻

分

道經略吐蕃仍毀所立赤嶺碑

立碑見上卷廿一年

突騎施

可汗蘇祿素廉儉每攻戰所得輒與諸部分之不畱

私蓄由是眾樂爲用

樂音洛

旣尙唐公主又潛通突厥

及吐蕃突厥吐蕃各以女妻之蘇祿以三國女爲可

敦又立數子爲葉護用度浸廣由是攻戰所得不復

更分晚年病風一手攣縮

妻七細翻復扶又翻下而復同攣閩緣翻

諸部

離心酋長莫賀達干都摩度兩部最疆

酋慈由翻長知兩翻考異

其部落又分爲黃

日會要作莫賀咄達干今從實錄新傳作都摩支今從實錄舊傳

其部落又分爲黃

姓黑姓互相乖阻

突騎施種人自謂娑葛後者爲黃姓蘇祿部爲黑姓

于是莫

賀達干勒兵夜襲蘇祿殺之都摩度初與莫賀達干

連謀既而復與之異立蘇祿之子骨啜爲吐火仙可

汗以收其餘眾與莫賀達干相攻莫賀達干遣使告

磧西節度使蓋嘉運

磧七迹翻

上命嘉運招集突騎施拔

汗那以西諸國吐火仙與都摩度據碎葉城黑姓可

汗爾微特勒據怛邏斯城

碎葉川長千里西屬怛邏斯城其城初屬石國石常

分兵鎮之蓋古蓋翻騎奇寄翻可從刊入聲汗音寒怛當割翻邏郎佐翻考異曰唐麻作怛邏斯今從

錄相與連兵以拒唐

太子將受冊命儀注有中嚴

外辦及絳紗袍

唐制皇帝大祀致齋之日晝漏上水一刻侍中版奏請中嚴諸衛入陳于

殿庭文武五品已上袴褶陪位諸侍從之官服其器服諸侍臣齋者結佩詣閣奉迎二刻侍中版奏外辦

乘輿乃出朝會諸衛立仗百官就列已定侍中亦奏外辦不請中嚴皇帝將出駕發前七刻擊一鼓爲一嚴前五刻擊二鼓爲再嚴侍中版奏請中嚴有司陳鹵簿前二刻擊三鼓爲三嚴諸衛以次入立于殿庭羣官立朝堂侍中中書令已下奉迎于西階侍中奉寶乘黃令進路於太極殿西階南向千牛將軍執長刀立路前北向黃門侍郎立侍臣之前贊者二人既外辦太僕卿攝衣而升正立執轡乘輿出升路太后皇后亦有中嚴外辦皆尚儀版奏皇太子中嚴外辦左庶子版奏皇帝冠通天冠則服絳紗袍冬至受朝賀祭還燕羣臣養老之服也太子冠遠遊冠亦服絳紗袍謁廟還宮元日朔日入朝釋奠之服也

太

子嫌與至尊同稱表請易之左丞相裴耀卿奏停中嚴改外辦曰外備改絳紗袍爲朱明服秋七月己巳

上御宣政殿冊太子

考異曰元載肅宗實錄云二  
十七年七月壬辰行典禮今從

玄宗實錄故事太子乘輅至殿門至是太子不就輅自其

宮步入是日赦天下己卯冊忠王妃韋氏爲太子妃

杜希望將鄴州之眾奪吐蕃河橋築鹽泉城於河

左吐蕃發兵三萬逆戰希望眾少不敵

將卽亮翻又音如字鄴音

善又時戰翻吐從

入聲少始紹翻將卒皆懼左威衛郎將王忠嗣帥

所部先犯其陳所向闕易殺數百人虜陳亂

將卽亮翻嗣祥

吏翻帥讀曰陣

希望縱兵乘之虜遂大敗置鎮西軍於

鹽泉

鎮西軍在河州西百八十里

忠嗣以功遷左金吾將軍八

月辛巳勃海王武藝卒子欽茂立九月丙申朔日

有食之

初儀鳳中吐蕃陷安戎城而據之

初劔南度茂州

之西築安戎城戍之以迨吐蕃南鄙生羌導吐蕃其  
取之因守之遂并西洱河諸蠻東與松茂嶺接

地險要唐屢攻之不克劔南節度使王昱築兩城於

其側頓軍蒲婆嶺下新書作蓬婆嶺其地在雪山外  
杜甫詩所謂次取蓬婆雪外城

也是運資糧以逼之吐蕃大發兵救安戎城昱眾大敗

死者數千人考異曰舊傳將士數萬人皆沒于賊今從實錄昱脫身走糧

仗軍資皆弃之貶昱栝州刺史再貶高要尉而死

戊午冊南詔蒙歸義為雲南王水經注雲南郡本雲  
山縣地也蜀劉氏建

興二年置郡自唐戎州開邊縣而南七  
十里至曲州又二千五百里至雲南城歸義之先本

哀牢夷地哀牢夷漢明  
帝之時內附居姚州之西東南接交趾西

北接吐蕃蠻語謂王曰詔先有六詔曰蒙舍曰蒙越

曰越析曰浪穹曰樣備曰越澹考異曰新書六詔  
曰蒙窩越析浪穹澄

燄施浪蒙舍今從  
實湧雲南別錄

兵力相埒莫能相壹

埒力較翻

歷代因

之以分其執蒙舍最在南故謂之南詔高宗時蒙舍

細奴邏初入朝細奴邏生邏盛盛生盛邏皮盛邏

皮生皮邏閣

朝直遙翻邏郎佐翻蒙氏父子以名相屬細奴邏生邏盛炎

考異曰新傳云

邏盛炎生炎閣武后時邏盛炎身入朝妻方娠生盛

邏皮喜曰我又子雖死唐地足矣炎閣立死開元

時弟盛邏皮立生皮邏閣授特進臺登郡王炎閣未

有子時以閣羅鳳爲嗣及生子還其宗而名承閣遂

不改按邏盛炎之子盛邏皮豈得云以名相屬既有

炎閣豈得云我又子雖死唐地足矣今從舊南詔  
傳及楊國忠傳雲南別錄又舊南詔傳閣皆作閣今從新傳  
詔微弱會有破洱河蠻之功  
洱河卽西洱河  
乃賂王  
昱求合六詔爲一昱爲之奏請  
爲于偽翻  
朝廷許之仍賜

名歸義於是**以兵威脅服羣蠻不從者滅之遂擊破**

**吐蕃徙居大和城其後卒爲邊患**

南詔事始此其先烏蠻別種夷語山

陂陀爲和故謂之大和城卒子恤翻

**冬十月戊寅上幸驪山溫泉**

**壬辰上還宮**

**是歲於西京東都往來之路作行宮**

**千餘間**

**分左右羽林置龍武軍以萬騎營隸焉**

奇騎

寄翻

**潤州刺史齊澣奏自瓜步濟江迂六十里請自**

**京口埭下直濟江穿伊婁河二十五里卽達揚子縣**

**立伊婁埭從之**

埭音代按舊書本紀齊澣開伊婁河於揚州南瓜州浦則今之瓜洲運河

是也但揚子縣今爲眞州治所安能二十五里卽達揚子縣若自瓜洲達揚子橋則二十五里而近今之

揚子橋或者唐之揚子縣治所橋以此得名也



二十七年春正月壬寅命隴右節度大使榮王琬自

至本道巡按處置諸軍

處昌呂翻

選募關內河東壯士三

五萬人詣隴右防遏至秋末無寇聽還

羣臣請加

尊號曰聖文二月己巳許之因赦天下免百姓今年

田租 夏四月癸酉敕諸陰陽術數自非昏喪卜擇

皆禁之 己丑以牛仙客爲兵部尙書兼侍中李林

甫爲吏部尙書兼中書令總文武選事

蓋令牛仙客總武選李林

甫總文選也選須補翻

六月癸酉以御史大夫李適之兼幽

州節度使幽州將趙堪白真陔羅矯節度使張守珪

之命使平盧軍使烏知義擊叛奚餘黨於橫水之北

橫水當作潢水新書作湟水舊書張守珪傳作潢水  
今從之潢水在遼國今臨潢府界志云自營州度松  
陁嶺北行四百里至潢水使疏吏翻將即亮翻知義不從白真陁羅矯稱制

指以迫之知義不得已出師與虜遇先勝後敗守珪

隱其敗狀以克獲聞事頗泄上令內謁者監牛仙童

往察之

內謁者監唐正六品下掌內宣傳及諸親命婦朝會所司籍其人數送內侍省

守珪

重賂仙童歸罪於白真陁羅逼令自縊死縊於計翻仙童

有寵於上眾宦官疾之其發其事上怒甲戌命楊思

勛杖殺之思勛縛格杖之數百剗取其心割其肉陷

之

陷徒濫翻又徒覽翻

守珪坐貶括州刺史太子太師蕭嵩嘗

賂仙童以城南良田數頃李林甫發之嵩坐貶青州

刺史 秋八月乙亥磧西節度使蓋嘉運擒突騎施

可汗吐火仙

磧七迹翻蓋古盍翻

嘉運攻碎葉城吐火仙出戰

敗走擒之於賀邏嶺分遣疏勒鎮守使夫蒙靈訶與

拔汗那王阿悉爛達干潛引兵突入怛邏斯城擒黑

姓可汗爾微遂入曳建城取交河公主

交河公主事始二百一十

二卷十一年悉收散髮之民數萬以與拔汗那王威震西

陁 壬午吐蕃寇白草安人等軍

白草軍在蔚茹水之西又鄯州星宿

川之西有安人軍蔚茹水在原州蕭關縣此時吐蕃兵不能至疑白草軍當作白水軍

隴右節

度使蕭炅擊破之

炅火迴翻

甲申追謚孔子爲文宣王

先是祀先聖先師周公南向孔子東向坐制自今孔

子南向坐被王者之服釋奠用宮懸

先悉薦翻被皮義翻周禮王宮

懸諸侯軒懸卿大夫判懸士特懸注云宮懸四面懸象宮室四面有牆故謂之宮懸軒懸三面其形曲判

懸又去其一面特懸又去其一面

追贈弟子皆為公侯伯

顏淵充公閔子騫費

侯冉伯牛鄆侯仲弓薛侯冉有徐侯季路衛侯宰我齊侯子貢黎侯子游吳侯子夏魏侯曾參成伯頴孫

師陳伯澹臺滅明江伯宓子賤單伯原憲原伯公治長莒伯南宮适刻伯公哲哀郈伯曾黜宿伯顏路杞

伯商瞿蒙伯高柴共伯漆雕開滕伯公伯寮任伯司馬牛向伯樊遲樊伯有若卞伯公西赤邵伯巫馬期

鄆伯梁鱣梁伯顏柳蕭伯冉孺郈伯曹恤豐伯伯虔鄒伯公孫龍黃伯冉季產東平伯秦子南少梁伯漆

雕欽武城伯顏子驕琅邪伯漆雕徒父須句伯壤駟赤北徵伯商澤睢陽伯石作蜀郕伯任不齊任城

伯公夏首亢父伯公良孺東牟伯后處營丘伯葵開彭衙伯奚容箴下邳伯公肩定新伯顏襄臨沂伯鄆

單銅鞮伯句井疆淇陽伯罕父黑乘丘伯秦商上洛伯申黨召陵伯公祖子之期思伯榮子期雋婁伯縣

成鉅野伯左人郢臨淄伯燕伋漁陽伯鄭子徒滎陽  
伯秦非汧陽伯施常乘氏伯顏噲朱虛伯步叔乘滄  
于伯顏之僕東武伯原亢籍萊蕪伯樂欬昌平伯廉  
潔葛父伯顏何開陽伯叔仲會瑕上伯狄黑臨濟伯  
郝巽平陸伯孔患汶陽伯公西  
與如重丘伯公西箴祝阿伯  
九月戊午處木昆

鼠尼施弓月等諸部先隸突騎施者皆帥眾內附帥讀

日仍請徙居安西管內 太子更名紹更工衡翻 冬十

月辛巳改修東都明堂按舊書帝紀即東都乾元殿改修明堂 丙戌

上幸驪山溫泉十一月辛丑還宮 甲辰明堂成

劍南節度使張宥文吏不習軍旅悉以軍政委團練

副使章仇兼瓊據舊志上元後置團練使余攷唐制凡有團結兵之地則置團練使此時

蜀有黎雅坤翼茂五州鎮防團結兵故有兼瓊入奏  
團練副使安史亂後諸州皆置團練使矣

事盛言安戎城可取上悅之丁巳以宥爲光祿卿十  
二月以兼瓊爲劍南節度使 初睿宗喪旣除祫于

太廟自是三年一祫五年一禘是歲夏旣禘冬又當

祫

祫疾  
史翻

太常議以爲祭數則瀆

數所  
角翻

請停今年祫祭

自是通計五年一祫一禘從之

史言如此乃合於  
五年再殷祭之義

二十八年春正月癸巳上幸驪山溫泉庚子還宮

二月荊州長史張九齡卒上雖以九齡忤旨逐之

卒

恤翻忤  
五故翻

然終愛重其人每宰相薦士輒問曰風度得

如九齡不

不讀  
日否

三月丁亥朔日有食之

章仇兼

瓊潛與安戎城中吐蕃翟都局及維州別駕董承晏

結謀使局開門引內唐兵盡殺吐蕃將卒使監察御

史許遠將兵守之

將卽亮翻  
監古莧翻

遠敬宗之曾孫也

永徽  
顯慶

之間許敬宗以姦佞致位公輔安史之亂遠乃能効死節以報國史故著其世以勉爲臣者

甲

寅蓋嘉運入獻捷上赦吐火仙罪以爲左金吾大將

軍嘉運請立阿史那懷道之子昕爲十姓可汗從之

考異曰舊傳云嘉運請立懷道之子昕爲可汗以

鎮撫之莫賀達干不肯曰討平蘇祿本是我之元謀

若立史昕爲主則國家何以酬賞於我乃不立史昕

便令莫賀達干統眾二十七年嘉運詣闕獻俘仍令

將吐火仙獻于太廟會要二十九年以解瑟羅之子

昕爲可汗遣兵送之天寶元年昕至碎葉西南俱南

城爲莫賀咄達干所殺三年安西節度使馬靈警斬

之更立其酋長爲在地米里骨咄祿毗伽可汗按實

錄開元二十八年三月甲寅蓋嘉運俘吐火仙來獻

四月辛未冊十姓可汗阿史那昕妻李氏爲交河公

孫

主十二月乙卯突騎施可汗莫賀達干率其妻子及  
薩官首領百餘帳內屬初莫賀達干與烏蘇萬洛扇  
誘諸蕃叛干我上命蓋嘉運宣恩招諭皆相率而降  
新傳云達干不肯立昕即誘部落叛詔嘉運招諭乃  
率妻子等降遂命統其眾後數年復以昕爲可汗遣  
兵護送昕至俱闐城爲莫賀咄所殺莫賀咄自爲可  
汗安西節度使大蒙靈營誅斬之若如舊傳所言嘉  
運便以莫賀達干爲可汗統眾則莫賀不應復叛且  
立可汗當須朝廷冊命嘉運豈得擅立于塞外也若  
未以爲可汗則實錄十二月不應謂突騎施可汗莫  
賀達干也若如會要所言二十九年始立昕爲可汗  
則實錄二十八八年四月不應已謂昕爲十姓可汗也  
蓋嘉運既平突騎施即奏立昕爲十姓可汗故莫賀  
達干不服而叛明皇乃以莫賀達干爲小可汗止統  
突騎施之眾使嘉運招諭之故來降然昕爲十姓可  
汗兼統諸部故明皇遣兵送之而爲莫賀達干所殺  
事或然也但實錄脫略疑不敢質  
故略采諸書所見存其梗概書之

夏四月辛未以

昕妻李氏爲交河公主 六月吐蕃圍安戎城 上



嘉蓋嘉運之功以爲河西隴右節度使使之經略吐

蕃嘉運恃恩流連不時發

蓋嘉運恃其邊功以自昵於人主是從流於上也

京師以酒色自娛而不卽赴鎮是從流於下也史以流連二字言之旨哉

左丞相裴耀卿

上疏

上時掌翻疏所去翻

以爲臣近與嘉運同班觀其舉措誠

勇烈有餘然言氣矜誇恐難成事昔莫敖狃于蒲騷

之役卒喪楚師

左傳楚莫敖屈瑕旣敗郢師於蒲騷復伐羅鬪伯比送之曰莫敖必敗舉

趾高心不固矣遂見楚子楚子入告夫人鄧曼鄧曼

曰莫敖狃於蒲騷之役將自用也君若不鎮撫其不

設備乎莫敖果不設備及羅羅與盧戎兩軍之大敗

之狃女九翻陸德明日騷音蕭又音縻卒子恤翻  
今嘉運有驕敵之色臣竊憂之況防秋非遠未言發  
日若臨事始去則士卒尙未相識何以制敵且將軍

受命鑿凶門而出今乃酣飲朝夕殆非憂國愛人之

心若不可改易宐速遣進塗仍乞聖恩嚴加訓勵上

乃趣嘉運行趣讀日促已而嘉運竟無功蓋嘉運小器易盈志氣情矣安

能有功秋八月甲戌幽州奏破奚契丹冬十月甲

子上幸驪山溫泉辛巳還宮吐蕃寇安戎城及維

州發關中曠騎救之騎奇奇翻吐蕃引去更命安戎城曰

平戎更工衡翻十一月罷牛仙客朔方河東節度使

突騎施莫賀達干聞阿史那昕爲可汗怒曰首誅

蘇祿我之謀也今立史昕何以賞我遂帥諸部叛上

乃立莫賀達干爲可汗使統突騎施之眾命蓋嘉運

招諭之十二月乙卯莫賀達干降

帥讀曰率降戶江翻

金城

公主薨

金城公主事始二百八卷中宗景龍元年

吐蕃告喪且請和上不

許是歲天下縣千五百七十三戶八百四十一萬

二千八百七十一口四千八百一十四萬三千六百

九西京東都米斛直錢不滿二百絹匹亦如之海內

富安行者雖萬里不持寸兵

以開元之承平而戶口猶不及漢之盛時唐興

以來治日少而亂日多也

二十九年春正月癸巳上幸驪山溫泉 丁酉制承

前諸州饑饉皆待奏報然始開倉賑給

承前猶今言從前也然始

猶今言然後也

道路悠遠何救懸絕自今委州縣長官與采

訪使量事給訖奏聞

長知兩翻使疏  
吏翻量音良

庚子上還宮

上夢玄元皇帝告云吾有像在京城西南百餘里

汝遣人求之吾當與汝興慶宮相見

有宋大中祥符  
之事皆唐明皇

教之也上遣使求得之於盤屋樓觀山間

盤屋縣漢屬  
扶風後魏併

入武功尋復後周爲周南郡隋廢郡以盤屋縣屬雍  
州唐屬岐州蘇軾曰樓觀山今爲崇聖觀乃尹喜舊

宅山脚有授經臺尙在使疏吏  
翻盤屋音舟室觀古玩翻下同

夏閏四月迎置興慶

宮五月命畫玄元真容分置諸州開元觀 六月吐

蕃四十萬眾入寇至安仁軍

安仁軍當  
作安人軍

渾崖峯騎將

臧希液帥眾五千擊破之

騎奇寄  
日率

翻將卽亮翻帥讀  
考異曰舊傳作盛

希液今  
從唐縣

秋七月丙寅突厥遣使來告登利可汗之

喪初登利從叔二人分典兵馬號左右殺

從才用誦

登利

患兩殺之專與其母謀誘右殺斬之

誘音酉

自將其眾

將卽亮翻

左殺判闕特勒勒兵攻登利殺之立毗伽可汗

伽求迦翻咄當

之子爲可汗俄爲骨咄葉護所殺更立其弟

伽求迦翻咄當

沒翻更工衛翻

尋又殺之骨咄葉護自立爲可汗

舊傳云左考異曰

殺自立爲烏蘇米施可汗唐厯新傳皆云判闕特勒子爲烏蘇米施可汗天寶初立今從之

上以

突厥內亂癸酉命左羽林將軍孫老奴招諭回紇葛

邏祿拔悉密等部落

紇下沒翻選郎佐翻

乙亥東都洛水溢

溺死者千餘人

溺奴狄翻

平盧兵馬使安祿山傾巧善

事人人多譽之

譽音余

上左右至平盧者祿山皆厚賂

之由是上益以爲賢御史中丞張利貞爲河北采訪

使至平盧祿山曲事利貞乃至左右皆有賂利貞入

奏盛稱祿山之美八月乙未以祿山爲營州都督充

平盧軍使

考異曰實錄此年八月以幽州節度副使安祿山爲營州刺史充平盧勃海黑

水軍使舊紀以幽州節度副使安祿山爲營州刺史平盧軍節度副使會要二十八

年王斛斯爲平盧節度使遂爲定額按舊傳祿山自平盧兵馬使爲平盧

軍使蓋以平盧兵馬使帶幽州節度副使之名耳實錄衍大字也天寶元年始

使

唐謂奚契丹爲兩蕃

冬十月丙申上幸驪山溫泉

壬寅

分北庭安西爲二節度 十一月庚戌司空邠王守

禮薨守禮庸鄙無才識每天將雨及霽守禮必先言

之已而皆驗岐薛諸王言於上曰邪兄有術上問其

故對曰臣無術則天時以章懷之故幽閉宮中十餘

年守禮幽閉事見二百四卷武后天授元年歲賜杖者數四背癥甚厚

將雨則沈悶癩蒲官翻沈持林翻將霽則輕爽臣以此知之耳

因流涕霑襟上亦爲之慘然爲干僞翻辛酉上還宮

辛未太尉靈王憲薨上哀惋特甚曰天下兄之天下

也兄固讓於我事見二百十卷睿宗景雲元年挽烏貫翻爲唐太伯常名

不足以處之處昌呂翻乃諡曰讓皇帝其子汝陽王璿璿資

辛翻上表追述先志謙沖不敢當帝號上不許斂日斂力

內出服天子之服也以手書致於靈座書稱隆基白又

名其墓曰惠陵

惠陵在同州奉先縣西北十里

追諡其妃元氏曰恭

皇后祔葬焉

十二月乙巳吐蕃屠達化縣

達化古澆河之

地後周置達化郡及縣隋廢郡以縣屬廓州縣西百二十里有澆河城

陷石堡城蓋嘉

運不能禦

果如裴耀卿之言

資治通鑑卷第二百一十四



資治通鑑卷第二百一十五

端明殿學士兼翰林侍讀學士太中大夫提舉西京嵩山崇福宮上柱國  
河內郡開國公食邑二千二百戶食實封九百戶賜紫金魚袋臣司馬光奉  
勅編集

後學 天台胡三省 音注

唐紀三十一

起玄默敦牂盡攝圍大淵  
獻十一月凡五年有奇

玄宗至道大聖大明孝皇帝中之下

天寶元年春正月丁未朔上御勤政樓帝於興慶宮  
西南隅建二

樓花萼相輝樓在西臨街以燕兄  
弟勤政務本樓在南以修政事受朝賀朝直  
遙翻赦天

下改元

王子分平盧別爲節度以安祿山爲節度

使疏吏

是時天下聲教所被之州三百二十一皮

義翻

考異曰舊紀云三百六十二按地理志開元三十八年州府三百二十八至此纔二年不應遽增

三十餘州今從唐縣會要統紀

羈縻之州八百置十節度經略使以

備邊安西節度撫寧西域統龜茲焉耆于闐疎勒四

鎮治龜茲城兵二萬四千

焉耆治所在安西府東八百里于闐在南二千里疎

勒在西二二千餘里龜茲音已慈又音屈佳闐徒賢翻又徒見翻

北庭節度防制突騎

施堅昆統瀚海天山伊吾三軍屯伊西二州之境治

北庭都護府兵二萬人

突騎施身帳在北庭府西北三千餘里堅昆在北七千里

瀚海軍在北庭府城內兵萬二千人天山軍在西北城內兵五千人伊吾軍在伊州西北三百里甘露州

兵三千人  
騎奇奇翻

河西節度斷隔吐蕃突厥

斷丁管翻吐從  
厥入聲厥九勿

翻統赤水大斗建康寧寇玉門墨離豆盧新泉八軍

張掖交城白亭三守捉屯涼肅瓜沙會五州之境治

涼州兵七萬三千人

赤水軍在涼州城內兵三萬三  
千人大斗軍在涼州西二百餘

里甘肅二州界兵七千五百人建康軍在涼州西二  
百里兵五千三百人寧寇軍在涼州東北千餘里兵

八千五百人玉門軍在肅州西二百里管兵五千二  
百人墨離軍本月氏國在瓜州西北千里管兵五千

人豆盧軍在沙州城內管兵四千三百人新泉軍在  
會州西北二百里管兵千人張掖守捉在涼州南二

百里管兵五百人交城守捉在涼州西二百里管兵  
千人白亭守捉在涼州西北五百里管兵千七百人

唐制大曰軍小曰守捉趙珣聚米圖經自甘州西至  
肅州五百里自肅州西至瓜州四百五十里自瓜州

西至沙州二百八十里自沙州西至伊州四百里會  
州東至鹽州八百里西至涼州六百里南至宋鎮戎

軍一百四十里北朔方節度捍禦突厥統經略豐安至靈州六百里

定遠三軍三受降城安北單于二都護府屯靈夏豐

三州之境治靈州兵六萬四千七百人

經略軍在靈州城內兵二

萬七百人豐安軍在靈州西黃河外百八十里兵八

千人定遠軍在靈州東北二百里黃河外兵七千人

西受降城在豐州北黃河外八十里兵七千人安北

都護府治中受降城黃河北岸兵六千人東受降城

在勝州東北二百里兵七千人振武軍在單于都

護府城內兵九千人降戶江翻單音蟬夏戶雅翻河

東節度與朔方犄角以禦突厥統天兵大同橫野

嶺四軍雲中守捉屯太原府忻代嵐三州之境治太

原府兵五萬五千人

天兵軍在太原城內兵三萬人  
大同軍在代州北三百里兵九

千五百人橫野軍在蔚州東北一百四十里兵三千

人岢嵐軍在嵐州北百里兵一千人雲中守捉在單

于府西北二百七十里兵七千七百人忻州在太原府北八十里兵七千八百人代州至太原五百里兵四千人嵐州在太原府西北二百五十里兵三千人尚枯我翻嵐盧含翻范陽節度臨制

奚契丹統經略威武清夷靜塞恆陽北平高陽唐興

橫海九軍屯幽薊媯檀易恆定漠滄九州之境治幽

州兵九萬一千四百人

經略軍在幽州城內兵三萬人威武軍在檀州城內兵萬

人清夷軍在媯州城內兵萬人靜塞軍在薊州城內兵萬六千人恆陽軍在恆州城東兵六千五百人北平軍在定州城西兵六千人高陽軍在易州城內兵六千人唐興軍在漠州城內兵六千人橫海軍在滄州城內兵六千人景雲元年以薊州鄭縣置鄭州開元十三年以鄭字類鄭字改爲漠州尋又改莫州契

歎訖翻又音奧恆戶登翻薊音計媯居爲翻

平盧節度鎮撫室韋靺鞨統

平盧盧龍二軍榆關守捉安東都護府屯營平二州

之境治營州兵三萬七千五百人

平盧軍在營州城內兵萬六千人盧

龍軍在平州城內兵萬人榆關守捉在營州城西四百里八十里兵三千人安東都護府在營州東二百里

兵八千五百人靺鞨音末曷楡當作渝注詳見上卷隴右節度備禦吐蕃統臨

洮河源白水安人振威威戎漠門寧塞積石鎮西十

軍綏和合川平夷三守捉屯鄯廓洮河之境治鄯州

兵七萬五千人

臨洮軍在鄯州城內兵萬五千人河源軍在鄯州西百二十里兵四千人

白水軍在鄯州西北二百三十里兵四千人安人軍在鄯州界星宿川西兵萬人振威軍在鄯州西三百

里兵千人威戎軍在鄯州西北三百五十里兵千人漠門軍在洮州城內兵五千五百人寧塞軍在鄯州

城內兵五百人積石軍在鄯州西百八十里兵七千人鎮西軍在河州城內兵萬一千人綏和守捉在鄯

州西南二百五十里兵千人合川守捉在鄯州南百八十里兵千人平夷守捉在河州西南四十里兵三

千人洗土乃翻鄯  
時戰翻又音善 劍南節度西抗吐蕃南撫蠻獠統

天寶平戎昆明寧遠澄川南江六軍屯益翼茂當嶺

柘松維恭雅黎姚悉十三州之境治益州兵三萬九

百人 團結營在成都府城內兵萬四千人天寶軍在  
恭州東南九十里兵千人平戎軍在恭州南八

十里兵千人昆明軍在嶺州南兵五千一百人寧遠  
軍在嶺州西兵三百人澄川守捉在洮州東六百里

管兵二千人南江軍兵三百人翼州兵五百人茂州  
兵三百人維州兵五百人柘州兵五百人松州兵二

千八百人當州兵五百人雅州兵四百人黎州兵千  
人姚州兵三百人悉州兵五千人杜佑曰當州江源

郡在翼州西二百七十里西北到故通軌縣二百里  
以西卽是生羌悉州在當州南八十里黎州漢沈黎

郡也東去一里高山萬重更無郡縣西南去郡一里  
高山萬重東北去郡五里西北去郡二里皆高山萬

重茂州劉昫曰隋汶山郡武德元年改曰會州貞觀  
八年改曰茂州以郡界茂濕山爲名松州東至茂州

三百里西南至當州三百里西北至吐蕃界九十里

南至翼州一百八十里恭州開元二十四年分靜州

廣平縣置東至柘州一百里悉州西北至當州八十里獠魯皓翻嶠音髓嶺南五府經略

綏靜夷獠統經略青海二軍桂容邕交四營治廣州

兵萬五千四百人經略軍在廣州城內兵五千四百人清海軍在恩州城內兵二千人

桂府兵千人容府兵千一百人邕府兵千七百人安南府兵四千二百人已上兵輕稅本鎮以自給此外又有長樂經略福州領之樂音洛兵千五百人東萊

守捉萊州領之東牟守捉登州領之兵各千人凡鎮

兵四十九萬人捉仄角翻考異曰此兵數唐府所載也舊紀是歲天下健兒團結曠騎

等總五十七萬四千七百三十三此蓋馬八萬餘匹止言邊兵彼并京畿諸州曠騎數之耳

安西府馬二千七百匹北庭瀚海軍馬四千二百匹天山軍馬五百匹伊吾軍馬三百匹河西赤水軍馬



萬三千匹大斗軍馬二千四百匹建康軍馬五百匹  
寧寇玉門軍共管馬六百匹墨離軍馬四百匹豆盧  
軍馬四百匹朔方經略軍馬三千匹豐安軍馬千三  
百匹定遠軍馬二千匹西受降城馬千七百匹中受  
降城馬二千匹東受降城馬千七百匹振武軍馬千  
六百匹河東天兵軍馬五千五百匹雲中守捉馬二  
千匹大同軍馬五千五百匹橫野軍馬千八百匹范  
陽經略軍馬五千四百匹威武軍馬三百匹清夷軍  
馬三百匹靜塞軍馬五百匹平盧軍馬四千二百匹  
盧龍軍馬五百匹渝關守捉馬百匹安東府馬七百  
匹隴右臨洮軍馬八千匹河源軍馬六百五十四匹  
水軍馬五百匹安人軍馬二百五十四匹威戎軍馬五  
十四匹漠門軍馬二百匹寧塞軍馬五十四匹積石軍馬  
三百匹劔南團結營馬千八百匹昆明軍馬二百匹

開元之前每歲供邊兵衣糧費不過二百萬天寶之

後邊將奏益兵浸多每歲用衣千二十萬正糧百九

十萬斛

安西衣賜六十二萬正段北庭衣賜四十八萬正段河西衣賜百八十萬正段朔方衣賜

二百萬正段河東衣賜百二十六萬正段糧五十萬石范陽衣賜八十萬正段糧五十萬石平盧失衣糧數隴右衣賜二百五十萬正段劍南衣賜八十萬正段糧七十萬石將卽亮翻公私勞費民

始困苦矣

甲寅陳王府參軍田同秀

皇子陳王珪府參軍也

上言見玄元皇帝於丹鳳門之空中告以我藏靈符

在尹喜故宅

上時掌翻下上表同

上遣使於故函谷關尹喜臺

芻求得之

列仙傳曰關令尹喜者周大夫也老子西游喜先見其氣候物色而迹之果得老子

老子亦知其旨爲著道德經使疏吏翻

陝州刺史李齊物穿三門運

渠卒未渠成

新書曰齊物鑿砥柱爲門以通漕開其山巔爲輓路沃醯而鑿之然棄石入河

水益湍怒舟不能入新門候水漲以人輓舟而上天子疑之遣宦者按視齊物厚賂宦者還言其便陝失

冉齊物神通之曾孫也

淮安王神通

王辰羣臣上表以

函谷靈符潛應年號先天不違

易曰先天而天不違先悉薦翻

請於

尊號加天寶字從之

二月辛卯上享玄元皇帝於

新廟

時置玄元廟於大寧坊西南角

甲午享太廟丙申合祀天地於

南郊赦天下改侍中爲左相中書令爲右相尙書左

右丞相復爲僕射

開元初改左右僕射爲尙書左右丞相復扶又翻下清復同

東

都北都皆爲京州爲郡刺史爲太守改桃林縣曰靈

寶

隋開皇十六年置桃林縣取古者桃林之野以爲縣名屬洛州唐屬懷州今以得玄元靈符改曰靈

寶守式又翻

田同秀除朝散大夫

朝直遙翻散悉直翻

時人皆疑寶

符同秀所爲間一歲清河人崔以清復言見玄元皇

帝於天津橋北云藏符在武城紫微山

武城卽漢之東武城縣與

清河縣皆屬清河郡

敕使往求亦得之東都畱守王倓知其詐

按問果首服

使疏吏翻守式又翻下太

奏之上亦不

深罪流之而已

三月以長安令韋堅爲陝郡太守

陝郡陝州

失冉翻

領江淮租庸轉運使

先天中李傑爲陝州刺史領水陸發運使

置使自傑始也裴耀卿之後命堅始以租庸使入衛使疏吏翻下同

初宇文融旣敗言

利者稍息

事見二百一十三年

於是韋堅王鉷之徒

公翻競以利進百司有利

事始二百一十三卷二

年

於是韋堅王鉷之徒

公翻競以利進百司有利

權者稍稍別置使以領之舊官充位而已

史言諸使所由始

堅太子之妃兄也爲吏以幹敏稱上使之督江淮租

運歲增巨萬上以爲能故擢任之王鉷方翼之曾孫

也

自高宗至武后朝王方翼著功名於西域

亦以善治租賦爲戶部員外

郎兼侍御史

治直之翻

李林甫爲相凡才望功業出已

右及爲上所厚勢位將逼己者必百計去之

去羌呂翻尤

忌文學之士或陽與之善啗以甘言而陰陷之世謂

李林甫口有蜜

謂其言甘也啗徒濫翻又徒覽翻

腹有劍

謂其心在害人也

上嘗陳樂於勤政樓垂簾觀之兵部侍郎盧絢謂上

已起垂鞭按轡橫過樓下絢風標清粹上目送之深

歎其蘊藉

絢許縣翻蘊於運翻

林甫常厚以金帛賂上左右上

舉動必知之乃召絢子弟謂曰尊君素望清崇今交

廣藉才聖上欲以尊君爲之可乎若憚遠行則當左

遷不然則以賓詹分務東洛

謂以太子賓客詹事分司東都也

亦優

賢之命也何如絢懼以賓詹爲請林甫恐乖眾望乃

除華州刺史

華戶化翻

到官未幾誣其有疾州事不理除

詹事員外同正

幾居豈翻

上又嘗問林甫以嚴挺之今安

在是人亦可用挺之時爲絳州刺史林甫退召挺之

弟損之諭以上待尊兄意甚厚盍爲見上之策奏稱

風疾求還京師就醫挺之從之林甫以其奏白上云

挺之衰老得風疾宜且授以散秩使便醫藥上歎吒

久之

散悉直翻吒陟駕翻

夏四月壬寅以爲詹事又以汴州刺

史河南采訪使齊澣爲少詹事

唐少詹事正四品上汴皮變翻使疏吏翻

皆員外同正於東京養疾澣亦朝廷宿望故并忌之

上發兵納十姓可汗阿史那昕於突騎施至俱蘭

城

俱蘭國所都城也俱蘭或曰俱羅弩或曰屈浪弩與吐火羅接可從刊入聲汗音寒騎奇寄翻

異曰會要作俱南城胡語不明耳

爲莫賀達干所殺突騎施大纛官

都摩度來降

纛徒到翻降戶江翻

六月乙未冊都摩度爲三姓

葉護

秋七月癸卯朔日有食之

辛未左相牛仙

客薨八月丁丑以刑部尚書李適之爲左相

突厥

拔悉密回紇葛邏祿三部其攻骨咄葉護殺之推拔

悉密酋長爲頡跌伊施可汗回紇葛邏祿自爲左右

葉護

厥九勿翻紇下沒翻邏郎佐翻咄當沒翻酋慈由翻頡奚結翻跌徒結翻

突厥餘眾

其立判闕特勒之子爲烏蘇米施可汗以其子葛臘

哆爲西殺

哆昌者翻突厥以其親屬分掌東西兵上號左右殺亦曰東西殺西殺右殺也

上

遣使諭烏蘇令內附烏蘇不從朔方節度使王忠嗣

盛兵磧口以威之

使疏吏翻磧七迹翻舊書忠嗣傳皆曰是歲忠嗣北伐

考異曰新

與奚怒皆戰于桑乾河三敗之大虜其眾又曰明年再破怒皆突厥之眾自是塞外晏然按朔方不與奚相接不知所云奚怒皆何也今闕之烏蘇懼請降而遷延不至忠嗣知

其詐乃遣使說拔悉密回紇葛邏祿使攻之烏蘇遁

去忠嗣因出兵擊之取其右廂以歸

擊垂亡之虜猶不肯輕用其兵

此王忠嗣所以爲善將也突厥左右殺所部謂之左右廂降戶江翻說輸芮翻紇下沒翻邏郎佐翻丁

亥突厥西葉護阿布思及西殺葛臘哆默啜之孫執



德支伊然小妻毗伽登利之女帥部眾千餘帳相次

來降

意此皆突厥右廂之眾也

啜陟劣翻伽求迦翻帥讀曰率 考異曰實錄舊紀皆云突厥阿甫

思之孫登利可汗之女與其黨屬來降唐麻云烏蘇米施可汗遁逃其西葉護阿甫思及毗伽可汗可敦男西殺葛臘哆率其部千餘帳來降舊王忠嗣傳云三部落攻米施可汗走之忠嗣因出兵伐之取其右廂而歸其西葉護及毗伽可敦男葛臘哆率其部落千餘帳入朝突厥傳云西殺妻子及默啜之孫勃德支特勒毗伽可汗女大洛公主伊然可汗小妻余塞匄登利可汗女余燭公主及阿甫思頡利發等並帥其部眾相次來降今參取用之

突厥降者

考異曰本紀作辛卯按長麻是月己卯朔無辛卯唐麻云九日辛卯亦誤也

賞

賜甚厚

護密先附吐蕃戊午其王頡吉里匄遣使

請降

頡奚結翻匄蒲北翻

冬十月丁酉上幸驪山溫泉己巳

還宮 十二月隴右節度使皇甫惟明奏破吐蕃大

嶺等軍戊戌又奏破青海道莽布支營三萬餘眾斬

獲五千餘級庚子河西節度使王倕奏破吐蕃漁海

及遊奕等軍

史言明皇喜邊功故邊帥告捷者相繼倕音垂

是歲天下縣

一千五百二十八鄉一萬六千八百二十九戶八百

五十二萬五千七百六十三口四千八百九十萬九

千八百 回紇葉護骨力裴羅遣使入貢

考異曰舊傳云天

寶初其酋長葉護頡利吐發遣使入朝封奉義王唐

麻天寶三載突厥拔悉密可汗又爲回紇葛邏祿等

部落襲殺之立回紇爲主是爲骨咄祿毗伽闕可汗

遣使立爲奉義王又加懷仁可汗新突厥傳云回紇

葛邏祿殺拔悉密可汗奉回紇骨力裴羅定其國是

爲骨咄祿毗伽闕可汗按奉義王懷仁可汗是一人

而新突厥回紇傳其名不同然新傳  
自吐迷度以來世系皆可譜今從之  
賜爵奉義王

冊爲可汗也

未明

二年春正月安祿山入朝

朝直遙翻

上寵待甚厚謁見無

時

見賢遍翻

祿山奏言去年營州蟲食苗臣焚香祝天云

臣若操心不正事君不忠願使蟲食臣心若不負神

祇願使蟲散卽有羣鳥從北來食蟲立盡請宣付史

官從之

操干高翻

李林甫領吏部尙書日在政府

政府謂政

事選事悉委侍郎宋遙苗晉卿御史中丞張倚新得

幸於上遙晉卿欲附之時選人集者以萬計

選須入

等者六十四人倚子爽爲之首羣議沸騰前薊令蘇

孝韞以告安祿山

薊縣帶幽州涿郡時改涿郡爲范陽郡薊音計

祿山入言

於上上悉召入等人面試之爽手持試紙終日不成

一字時人謂之曳白癸亥邊貶武當太守晉卿貶安

康太守倚貶淮陽太守

武當郡均州安陸郡金州本西城郡元年更郡名淮陽郡

陳州舊志金州京師南七百三十七里陳州一千五百二十里

同考判官禮部郎中

裴朏等皆貶嶺南官晉卿壺關人也

壺關縣自漢以來屬上黨郡而

唐上黨縣乃漢壺關縣隋分置上黨縣帶郡唐武德四年分隋之上黨縣置壺關縣治高望堡貞觀十七

年移治進流川朏敷尾翻

三月壬子追尊玄宗皇帝父周上御

大夫爲先天太皇又尊皋繇爲德明皇帝涼武昭王

爲興聖皇帝

唐虞之世皋陶爲理唐以爲李氏得姓之始故追尊爲德明皇帝涼武昭王暘

高祖之七世祖建國於瓜沙李氏由是而興故尊爲興聖皇帝繼余招翻

江淮南租庸

等使韋堅引澆水抵苑東望春樓下爲潭

苑禁苑也潭在長安

城東九里澆音產

以聚江淮運船役夫匠通漕渠發人丘壟

自江淮至京城民間蕭然愁怨二年而成丙寅上幸

望春樓觀新潭堅以新船數百艘扁榜郡名各陳郡

中珍貨於船背陝尉崔成甫著錦半臂缺胯綠衫以

褻之

艘蘇遭翻扁補典翻陝失冉翻著陟略翻胯苦瓦翻褻先擊翻袒衣也

紅襖首

襖莫

白翻 首令

居前船唱得寶歌

先是民間唱偃歌曰得體紇那邪其後得

寶符於桃林成甫乃更紇體歌爲得寶弘農野歌曰

得寶弘農野弘農得寶耶潭裏舟船鬧揚州銅器多

三郎當殿坐聽唱得寶歌其俚又甚焉使美婦百人盛飾而和之

和戶臥翻

連檣數里堅跪進諸郡輕貨仍上百身盤食

程大昌

曰唐少府監御饌器用九釘食以牙盤九枚裝食味於上置上前亦謂之看食仍上時掌翻

上置

宴竟日而罷觀者山積夏四月加堅左散騎常侍

散

直翻騎

其僚屬吏卒褒賞有差名其潭曰廣運時京

兆尹韓朝宗亦引渭水置潭於西街以貯材木

朝直

貯丁

呂翻 丁亥皇甫惟明引軍出西平

西平郡

擊吐蕃

行千餘里攻洪濟城破之

杜佑曰鄜州達化縣有洪濟鎮周武帝逐吐谷渾所

築在縣西二百七十里長慶中劉元鼎爲盟會使言河之上流由洪濟西行二千里水益狹冬春可涉夏

秋乃勝舟其南三百里三山中高四下曰歷山直大羊同國古所謂昆侖者也虜曰悶摩黎山東距長安

五千里河源其間流澶緩下稍合眾流色赤行益遠他水并注則濁河源東北直莫賀延磧尾隱測其地

蓋在劍南之西此劉元鼎因洪齊城而上敘河源附見于此

上以右贊善大夫

楊慎矜

龍朔二年改太子中允為贊善大夫咸亨元年復置中允而贊善大夫不廢後又分左右

各置五員班左右諭德下諭德掌諭太子以道德贊善掌翊贊太子以規諷

知御史中丞

事時李林甫專權公卿之進有不出其門者必以罪

去之

去羌呂翻

慎矜由是固辭不敢受五月辛丑以慎矜

為諫議大夫

冬十月戊寅上幸驪山溫泉乙卯還

宮

戊寅至乙卯三十八日史言帝助樂而忘返驪力知翻還從宣翻又音如字

考異曰舊紀十月戊

寅幸溫泉宮十一月乙卯還宮與實錄同十二月戊申又幸溫泉宮丙辰還宮實錄無按十二月丙寅朔

無戊申丙辰唐曆十一月戊申幸溫泉宮丙辰還京又與實錄本紀不同今皆不取

三載春正月丙申朔改年曰載

載子亥翻

辛丑上幸驪

山溫泉二月庚午還宮

往還亦幾三旬

辛卯太子更名亨

更工衡翻

海賊吳令光等抄掠台明

明州漢句章鄞縣之地屬會稽郡開元二

十六年采訪使齊澣奏以越州之鄞縣置明州以境內有四明山因名抄楚交翻

命河南尹

裴敦復將兵討之

將即亮翻

三月己巳以平盧節度使

安祿山兼范陽節度使以范陽節度使裴寬爲戶部

尚書

使疏吏翻尚辰羊翻

禮部尚書席建侯爲河北黜陟使稱

祿山公直李林甫裴寬皆順旨稱其美三人皆上所

信任由是祿山之寵益固不搖矣夏四月裴敦復

破吳令光擒之五月河西節度使夫蒙靈詒討突

騎施莫賀達干斬之

按元和姓纂云夫蒙本西羌姓後秦有建威將軍夫蒙羌今蒲



同二州多此姓或改姓馬氏考更請立黑姓伊里

異日會要作馬靈營今從實錄考底蜜施骨咄祿毗伽會要作伊地米里骨咄祿毗伽

今從實錄六月甲辰冊拜骨咄祿毗伽為十姓可汗從

刊入聲汗音寒秋八月拔悉密攻斬突厥烏蘇可汗傳首

京師國人立其弟鶻隴匐白眉特勒是為白眉可汗

於是突厥大亂敕朔方節度使王忠嗣出兵乘之至

薩河內山厥九勿翻嗣祥破其左廂阿波達干等十

一部右廂未下會回紇葛邏祿共攻拔悉密頡跌伊

施可汗殺之回紇骨力裴羅自立為骨咄祿毗伽闕

可汗遣使言狀上冊拜裴羅為懷仁可汗於是懷仁

南據突厥故地立身帳於烏德犍山

回紇身帳東有平野西據烏德

犍山南依盟昆水犍居言翻

舊統藥邏葛等九姓其後又并拔悉

密葛邏祿凡十一部各置都督每戰則以二客部爲

先 李林甫以楊慎矜屈附於己九月甲戌復以慎

矜爲御史中丞充諸道鑄錢使

復扶又翻又如字

冬十月

癸巳上幸驪山溫泉十一月丁卯還宮

術士蘇嘉

慶上言遯甲術有九宮貴神

九宮貴神蓋易乾鑿度所謂太一也注已見五

十二卷漢順帝陽嘉三年時置九宮貴神壇其壇三成成三尺四階其上依位置九壇壇尺五寸東南曰

招搖正東曰軒轅東北曰太陰正南曰天一中央曰天符正北曰太一西南曰攝提正西曰咸池西北曰

青龍五爲中戴九履一左三右七二四爲上六八爲下符於遁甲仍編於敕曰九宮貴神實司水旱功佐

上帝德鹿下人又黃帝九宮經一宮其神太一其星  
天蓬其卦坎其行水其方白二宮其神攝提其星天  
芮其卦坤其行土其方黑三宮其神軒轅其星天衝  
其卦震其行木其方碧四宮其神招搖其星天輔其  
卦巽其行木其方綠五宮其神天符其星天禽其卦  
離其行土其方黃六宮其神青龍其星天心其卦乾  
其行金其方白七宮其神咸池其星天柱其卦兌其  
行金其方赤八宮其神太陰其星天任其卦艮其行  
土其方白九宮其神天一其星天英

典司水旱請立

壇於東郊祀以四孟月從之禮在昊天上帝下太清

宮太廟上所用牲玉皆侔天地 十二月癸巳置會

昌縣於溫泉宮下

時分新豐萬年置會昌縣雍錄溫泉在臨潼縣南一百五十步在驪

山西北十道志曰泉有三所其一處卽皇堂石井後

周宇文護所造隋文帝又修屋宇種松柏千餘株唐

貞觀十八年詔闔立德營建宮殿御湯名湯泉宮咸

亨三年名溫泉宮元和志則曰開元十一年置溫泉

宮天寶六載改爲華清宮於驪山上益治湯井爲池  
臺殿環列山谷自開元來每歲十月臨幸歲盡乃歸  
以新豐縣去泉稍遠卽於湯所置會昌縣又置百司  
及公卿邸第焉臨潼縣唐之新豐慶山皆其地也按  
通鑑開元十一年書作  
溫泉宮與元和志合

戶部尙書裴寬素爲上所

重李林甫恐其入相忌之

相息亮翻

刑部尙書裴敦復擊

海賊還受請託廣序軍功寬微奏其事林甫以告敦

復敦復言寬亦嘗以親故屬敦復

屬之欲翻

林甫曰君速

奏之勿後於人敦復乃以五百金賂女官楊太真之

姊使言於上甲午寬坐貶睢陽太守

睢陽郡宋州本梁郡天寶元年

更郡名睢音雖

初武惠妃薨

開元二十五年惠妃薨

上悼念不已後宮

數千無當意者或言壽王妃楊氏之美絕世無雙上

見而悅之乃令妃自以其意乞爲女官號太真更爲

壽王娶左衛郎將韋昭訓女

更工衛翻  
將卽亮翻

潛內太真宮

中太真肌態豐豔曉音律性警穎善承迎上意不葺  
歲寵遇如惠妃宮中號曰娘子凡儀體皆如皇后

癸卯以宗女爲和義公主嫁竇遠奉化王阿悉爛達

干

帝以拔汗那助平吐火仙冊其  
王爲奉化王改其國曰竇遠

癸丑上祀九宮

貴神赦天下

初令百姓十八爲中二十三成一

初上自東都還李林甫知上厭巡幸乃與牛仙客謀  
增近道粟賦及和糴以實關中數年蓄積稍豐上從

容謂高力士曰朕不出長安近十年

開元二十四年  
上自東都還自

是不復東幸從千容翻近其斬翻

天下無事朕欲高居無爲悉以政

事委林甫何如對曰天子巡狩古之制也且天下大柄不可假人彼威勢旣成誰敢復議之者上不悅力士頓首自陳臣狂疾發妄言罪當死上乃爲力士置

酒

復扶又翻爲于偽翻下爲百同

左右皆呼萬歲力士自是不敢深

言天下事矣

力士之不敢言以李林甫機穽可畏也

四載春正月庚午上謂宰相曰朕比以甲子曰

比毗至翻

於宮中爲壇爲百姓祈福朕自草黃素置案上俄飛升天聞空中語云聖壽延長又朕於嵩山鍊藥成亦置壇上及夜左右欲收之又聞空中語云藥未須收

此自守護達曙乃收之太子諸王宰相皆上表賀

史言

唐之君誕妄而臣諂諛

回紇懷仁可汗擊突厥白眉可汗殺

之傳首京師突厥毗伽可敦帥眾來降

可從刊入聲帥讀白率降

戶江

於是北邊晏然烽燧無警矣回紇斥地愈廣東

際室韋西抵金山南跨大漠盡有突厥故地

史言回紇至此

盛疆懷仁卒子磨延啜立號葛勒可汗二月己酉以朔

方節度使王忠嗣兼河東節度使忠嗣少以勇敢自

負

少詩照翻

及鎮方面專以持重安邊爲務常曰太平之

將但當撫循訓練士卒而已不可疲中國之力以邀

功名

將卽亮翻

有漆弓百五十斤常貯之橐中以示不用

貯丁軍中日夜思戰忠嗣多遣謀人伺其閒隙

謀達協翻

伺相吏翻  
閒古莧翻

見可勝然後興師故出必有功既兼兩道

節制自朔方至雲中邊陲數千里

陲音垂

要害之地悉

列置城堡斥地各數百里邊人以為自張仁亶之後

將帥皆不及

張仁愿本名仁亶以睿宗諱旦音近亶避之改名仁愿將即亮翻帥所類翻

三月壬申上以外孫獨孤氏為靜樂公主嫁契丹王

李懷節

樂音洛

甥楊氏為宣芳公主嫁奚王李延寵

宣芳

縣屬  
嵐州

乙巳以刑部尚書裴敦復充嶺南五府經略

等使五月壬申敦復坐逗畱不之官貶淄川太守

淄川

郡淄州舊志淄州京師東北二  
千一百三十三里守式又翻

以光祿少卿彭果代



之上嘉敦復平海賊之功故李林甫陷之 李適之

與李林甫爭權有隙適之領兵部尚書駙馬張垺爲

侍郎

垺其

林甫亦惡之

惡烏

使人發兵部銓曹姦利

事收吏六十餘人付京兆與御史對鞫之數日竟不

得其情京兆尹蕭炅使灋曹吉溫鞫之

法曹司法參軍事掌鞫獄

麗法知贓賄沒入炅火迴翻

溫入院置兵部吏於外先於後廳取

二重囚訊之或杖或壓號呼之聲所不忍聞

號戶皆高翻

曰苟存餘生乞紙盡答兵部吏素聞溫之慘酷引入

皆自誣服無敢違溫意者頃刻而獄成驗囚無榜掠

之迹

楊音彭掠音亮

六月辛亥敕誚責前後知銓侍郎及判

南曹郎官而宥之

文宗開成二年宰相李石奏定長  
穴選格吏部請加置南曹郎中一

人別置印以新置南曹之印爲文蓋吏部先以郎官  
判南曹開成間因置南曹郎也宋白曰南曹起於總

章二年司列常伯李敬玄奏置未置已前銓中自勘  
責故事兩轉廳至建中元年侍郎邵說奏挾關替南

曹郎中王錡已後遂不轉廳貞元十一年侍郎  
杜黃裳請準舊例轉廳後云云同上謂才笑翻

之兄溫頊之弟子也

吉頊進用於  
武后之朝

溫始爲新豐丞太

子文學薛稷薦溫才

唐六典曰魏置太子文學魏武  
爲丞相命司馬宣王爲文學掾

甚爲世子所信與吳質朱鑠陳羣爲太子四友自晉  
之後不置至後周建德三年置太子文學十人後廢

唐顯慶中始置太子文學二人屬司經局掌分知經  
籍侍奉文章總緝經籍繕寫裝染之功筆札給用之

數皆料度之  
巖魚力翻

上召見

見賢  
遍翻

顧疑曰是一不良人朕不

用也蕭炅爲河南尹嘗坐事西臺遣溫往按之

西臺  
西京

御史臺也溫治炅甚急治直之翻下同及溫爲萬年丞未幾炅爲

京兆尹

幾居豈翻

溫素與高力士相結力士自禁中歸溫

度炅必往謝官

度徒洛翻

乃先詣力士與之談謔握手甚

歡

謔迄卻翻

炅後至溫陽爲驚避力士呼曰吉七不須避

吉溫第七謂炅曰此亦吾故人也召還與炅坐炅接之甚

恭不敢以前事爲怨它日溫謁炅曰曩者溫不敢隳

國家灋自今請洗心事公炅遂與盡歡引爲法曹

考

異曰唐麻云溫聯按大獄附邪以出入人命者凡十餘年性巧詆忍而不忌失意眉睫間必引而陷之其欲膠固之雖王公大人立可親也初蕭炅以賊下獄溫深竟其罪後爲萬年縣丞炅拜京兆尹溫見炅於高力士第乃與之相結爲膠漆之交引爲法曹而薦於林甫溫之進也反以炅力舊傳云炅爲河南尹有

事京臺差溫推詰堅執不捨及溫選昺已爲京兆尹一唱萬年尉卽就其官人爲危之今參取二書用之

及林甫欲除不附己者求治獄吏昺薦溫於林甫林甫得之大喜溫常曰若遇知己南山白額虎不足縛

也時又有杭州人羅希奭爲吏深刻林甫引之自御

史臺主簿再遷殿中侍御史

唐御史臺主簿從七品上掌印及受事發辰旬

檢稽失兼知官廚及黃卷

二人皆隨林甫所欲深淺鍛鍊成獄無

能自脫者時人謂之羅鉗吉網

以鐵劫束物曰鉗鉗其廉翻

秋

七月壬午冊韋昭訓女爲壽王妃八月壬寅冊楊太

眞爲貴妃

考異曰統紀八月冊女道士楊氏爲貴妃本紀甲辰唐麻甲寅今據實錄壬寅贈

太眞妃父玄珍等官甲辰甲寅皆在後恐冊妃在贈官前新本紀亦云八月壬寅立太眞爲貴妃今從之

贈其父玄琰兵部尚書以其叔父玄珪爲光祿卿從

兄銛爲殿中少監錡爲駙馬都尉從才用翻下之從同銛息廉翻錡渠

綺翻又魚綺癸卯冊武惠妃女爲太華公主命錡尚

之考異曰實錄舊傳皆以銛錡爲再從兄國忠爲從祖兄然則從祖亦再從也推恩之時何以及銛

錡而不及國忠新傳謂之宗兄唐厯以銛爲玄琰之子借使非子比於國忠必應稍親今但謂之從兄舊

傳云錡爲侍御及貴妃三姊皆賜第京師寵貴赫然

楊釗貴妃之從祖兄也不學無行釗音昭行下子孟翻爲宗黨

所鄙從軍於蜀得新都尉考滿家貧不能自歸新政

富民鮮于仲通常資給之新都縣漢屬廣漢郡梁置始康郡西魏廢郡隋開皇

十八年改新都曰興樂尋廢縣唐初復置屬蜀郡武德四年分南部相如二縣置新城縣尋避隱太子名

改曰新政時  
屬閭中郡

楊玄琰卒於蜀

卒子恤翻

釗往來其家遂與

其中女通

中讀日仲

鮮于仲通名向以字行頗讀書有材

智劍南節度使章仇兼瓊引爲采訪支使

唐麻云爲考異日

節度巡官按顏真卿所作仲通碑見存云爲采訪支使今從之

唐采訪節度等使幕屬有判官有支使

有掌書記推官巡官衙推等宋朝始定制書記支使不得並置有出身者爲書記無出身者爲支使委

以心腹嘗從容謂仲通曰今吾獨爲上所厚苟無內

援必爲李林甫所危聞楊妃新得幸人未敢附之子

能爲我至長安與其家相結吾無患矣仲通曰仲通

蜀人未嘗遊上國恐敗公事今爲公更求得一人因

言釗本末兼瓊引見釗儀觀豐偉言辭敏給

從千容翻爲于

僞翻敗補邁兼瓊大喜卽辟爲推官往來浸親密乃

使人獻春綵於京師將別謂曰有少物在郫

少詩沼翻郫縣

自漢以來屬蜀郡九域志郫縣在成都府西四十五里師古曰郫音疲

以具一日之糧

子過可取之釗至郫兼瓊使親信大齋蜀貨精美者

遺之遺于季翻可直萬緡釗大喜過望晝夜兼行至長安

歷抵諸妹以蜀貨遺之曰此章仇公所贈也時中女

新寡釗遂館於其室中分蜀貨以與之於是諸楊日

夜譽兼瓊且言釗善樗蒲引之見上

館古玩翻譽音余見賢遍細

得隨供奉官出入禁中

唐制中書門下省官皆供奉官也外官得隨朝士入見者

謂之仗內供奉隨翰林院官班者謂之翰林供奉改金

奉宦官謂之內供奉又有朝士供奉禁中者

吾兵曹參軍 九月癸未以陝郡太守江淮租庸轉

運使韋堅爲刑部尙書罷其諸使以御史中丞楊慎

矜代之陝失冉翻使疏吏翻 考異曰舊食貨志三載以楊釗爲水陸運使誤也今從實錄堅

妻姜氏皎之女林甫之舅子也故林甫昵之昵尼實翻及

堅以通漕有寵於上遂有入相之志相息亮翻又與李適

之善林甫由是惡之惡烏路翻故遷以美官實奪之權也

安祿山欲以邊功市寵數侵掠奚契丹奚契丹各

殺公主以叛數所角翻下欲數數徵同祿山討破之

隴右節度使皇甫惟明與吐蕃戰于石堡城爲虜

所敗副將褚誦戰死敗補邁翻誦直廉翻 考異曰新傳作諸葛誦今從實錄



冬十月甲午安祿山奏臣討契丹至北平郡

北平郡平州

夢先朝名將李靖李勣從臣求食

朝直遙翻將即亮翻下同

遂命

立廟又奏薦奠之日廟梁產芝

通鑑不語怪而書安祿山飛鳥食蝗廟梁

產芝之事以著祿山之欺罔明皇之昏蔽

丁酉上幸驪山溫泉

上以

戶部郎中王鉷爲戶口色役使敕賜百姓復除

鉷戶公翻

使疏吏翻復方日翻

鉷奏徵其輦運之費廣張錢數又使市本

郡輕貨百姓所輸乃甚於不復除舊制戍邊者免其

租庸六歲而更

更工衡翻

時邊將恥敗士卒死者皆不申

牒貫籍不除

貫籍本貫之籍也

王鉷志在聚斂

斂力贍翻

以有籍

無人者皆爲避課按籍戍邊六歲之外悉徵其租庸

有併徵三十年者民無所訴上在位久用度日侈後

宮賞賜無節不欲數於左右藏取之

唐有左藏右藏藏徂浪翻 鎡

探知上指歲貢額外錢百億萬貯於內庫以供宮中

宴賜曰此皆不出於租庸調無預經費

貯丁呂翻調徒弔翻

上

以鎡爲能富國益厚遇之鎡務爲割剝以求媚中外

嗟怨丙子以鎡爲御史中丞京畿采訪使楊釗侍宴

禁中專掌樗蒲文簿鉤校精密上賞其彊明曰好度

支郎

唐度支郎掌判天下租賦多少之數物產豐約之宜水陸道塗之利每歲計其所出而度其所

用轉運徵斂送納皆準程而節其遲速凡和糴和市皆量其貴賤均天下之貨以利於人凡金銀寶貨綾

羅之屬皆折庸調以造凡天下舟車水陸載運皆具爲脚直輕重貴賤平易險澀而爲之制凡天下邊軍

有支度使以計軍資糧仗之用每歲所費皆申度支會計以長行旨爲準度徒洛翻諸楊數徵

此言於上

徵讀日證

又以屬王鎡鎡因奏充判官

屬之欲翻

十二月戊戌上還宮

還自溫泉宮還從宣翻又音如字

五載春正月乙丑以隴右節度使皇甫惟明兼河西

節度使李適之性疎率李林甫嘗謂適之曰華山有

金礦

華戶化翻西山記曰太華之山削成而四方其高五千仞其廣十里礦古猛翻

采之可

以富國主上未之知也它日適之因奏事言之上以

問林甫對曰臣久知之但華山陛下本命王氣所在

帝製華嶽碑曰予小子之生也歲景戌月仲秋鷹少

暉之盛德協太華之本命故嘗寤寐靈嶽聳響神交  
林甫知此旨故以誤適鑿之非宜故不敢言上以林  
之而陷之王于况翻

甫爲愛己薄適之慮事不熟謂曰自今奏事宜先與

林甫議之無得輕脫適之由是束手矣適之旣失恩

韋堅失權益相親密林甫愈惡之惡烏路翻初太子之立

非林甫意事見二百十卷林甫恐異日爲己禍嘗有

動搖東宮之志而堅又太子之妃兄也皇甫惟明嘗

爲忠王友見二百十三卷時破吐蕃入獻捷見林甫

專權意頗不平時因見上乘閒微勸上去林甫吐從

聲因見賢遍翻間林甫知之使楊慎矜密伺其所爲

古覓翻去羌呂翻會正月望夜太子出遊與堅相見堅又與惟明

伺相吏翻會於景龍觀道士之室景龍觀在長安城中崇仁坊申公高士廉宅西北左金吾

衛神龍元年併爲長寧公主宅韋庶人敗後  
遠立爲觀仍以中宗年號爲名觀古玩翻

其事以爲堅戚里不應與邊將狎暱林甫因奏堅與

惟明結謀欲其立太子堅惟明下獄  
將卽亮翻暱尼實翻下還嫁翻

林甫使慎矜與御史中丞王鉷京兆府灋曹吉溫共

鞫之  
考異曰舊林甫傳云林甫潛令慎矜伺堅陳奏上慎矜傳云鉷推堅慎矜引身中立以俟望

錡恨之林甫亦憾焉二  
傳自相矛盾今從唐麻上亦疑堅與惟明有謀而不

顯其罪癸酉下制責堅以干進不已貶縉雲太守  
縉雲

郡本括州永嘉郡元年更郡名考異  
曰舊紀貶括蒼太守今從實錄及舊傳惟明以離間

君臣間古貶播川太守  
播川郡仍別下制戒百官

以王忠嗣爲河西隴右節度使兼知朔方河東節度

事忠嗣始在朔方河東每互市高估馬價諸胡聞之

爭賣馬於唐忠嗣皆買之由是胡馬少

少詩  
沼翻

唐兵益

壯及徙隴右河西復請分朔方河東馬九千匹以實

之

復扶  
又翻

其軍亦壯忠嗣仗四節控制萬里天下勁兵

重鎮皆在掌握與吐蕃戰於青海積石皆大捷又討

吐谷渾於墨離軍虜其全部而歸

吐從職入  
聲谷音浴

夏四

月癸未立奚酋娑固爲昭信王契丹酋楷洛爲恭仁

王

酋慈由翻  
娑素禾翻

己亥制自今四孟月皆擇吉日記天

地九宮 韋堅等旣貶左相李適之懼自求散地

散  
悉

但翻庚寅以適之爲太子少保罷政事其子衛尉少卿

嘗盛饌召客

書文甲翻饌難  
皖翻又難戀翻

客畏李林甫竟日無

一人敢往者

以門下侍郎宗玄館大學士陳希烈

同平章事

後魏置崇玄署掌僧尼道士女冠隋以崇  
玄署隸鴻臚唐置諸寺觀監隸鴻臚每寺

觀有監一人貞觀中廢寺觀監上元二年置漆園監  
尋廢開元二十五年置崇玄學於玄元皇帝廟天寶

元年兩京置博士助教各一員二載改崇玄學曰崇  
玄館博士曰學士助教曰直學士置大學士以宰相

爲之領兩京玄  
元宮及道院希烈宋州人以講老莊得進專用神

仙符瑞取媚於上李林甫以希烈爲上所愛且柔佞

易制

易以  
鼓翻

故引以爲相凡政事一決於林甫希烈但

給唯諾

唯干  
癸翻

故事宰相午後六刻乃出林甫奏今太

平無事已時卽還第軍國機務皆決於私家主書抱

成案詣希烈書名而已 五月壬子朔日有食之

乙亥以劔南節度使章仇兼瓊爲戶部尙書諸楊引  
之也 秋七月丙辰敕流貶人多在道逗畱自今左

降官日馳十驛以上

上時掌翻

是後流貶者多不全矣

楊貴妃方有寵每乘馬則高力士執轡授鞭織繡之  
工專供貴妃院者七百人中外爭獻服器珍玩嶺南

經略使張九章廣陵長史王翼

廣陵郡揚州長知兩翻

以所獻

精美九章加三品翼入爲戶部侍郎天下從風而靡  
民間歌之曰生男勿喜女勿悲君今看女作門楣人

作室自外至者見其門楣宏斂則爲壯觀言楊家因  
生女而宗門崇顯也或曰門以楣而撐拄言生女能



擯柱門戶也妃欲得生荔支歲命嶺南馳驛致之

自蘇軾諸人皆

云此時荔支自涪州致之非嶺南也

比至長安色味不變白居易曰荔支生巴峽間

樹形團團如帷蓋葉如冬青華如橘春榮實如丹夏熟朵如蒲萄核如枇杷殼如紅繒膜如紫綃瓢肉潔

白如冰雪漿液甘酸如醴酪大略如彼其實過之若離本枝一日而色變二日而香變四五日外色香味

盡去矣至是妃以妒悍不遜上怒命送歸兄銛之第悍

罕翻又戶是日上不憚比日中猶未食左右動不稱旨

橫被捶撻

比必利翻及也稱尺證翻極止藥翻橫戶孟翻

高力士欲嘗上意

請悉載院中儲侍送貴妃凡百餘車上自分御膳以

賜之

倚直里翻

及夜力士伏奏請迎貴妃歸院遂開禁門

而入

唐六典城門郎掌京城皇城宮殿諸門開闔之節承天門擊曉鼓聽擊鐘後一刻鼓聲絕皇城

門開第一鑿鑿鼓聲絕宮城門及左右延明門乾化  
門開第二鑿鑿鼓聲絕宮殿門開夜第一鑿鑿鼓聲  
絕宮殿門閉第二鑿鑿鼓聲絕宮城門及左右延明  
門皇城門閉其京城門開閉與皇城門同刻承天門  
擊鼓皆聽漏刻契契至方擊待漏刻所牌到鼓聲乃  
絕凡皇城闔門之鑰先酉而出後戌而入開門之鑰  
後丑而出夜盡而入京城闔門之鑰後申而出先子  
而入開門之鑰後子而出先卯而入若非其時而有  
命啟閉則詣閤覆奏奉旨合符而開闔之殿門及城  
門若有敕夜開受敕人具錄須開之門宣送中書門  
下自是恩遇愈隆後宮莫得進矣 將作少匠韋蘭

兵部員外郎韋芝爲其兄堅訟冤少詩照翻且引太

子爲言上益怒太子懼表請與妃離昏乞不以親廢

癩丙子再貶堅江夏別駕江夏郡鄂州舊志鄂州京師東南二千三百四十六

里夏戶蘭芝皆貶嶺南然上素知太子孝謹故譴怒

雅翻

不及李林甫因言堅與李適之等爲朋黨後數日堅

長流臨封適之貶宜春太守太常少卿韋斌貶巴陵

太守嗣薛王瑁貶夷陵別駕睢陽太守裴寬貶安陸

別駕河南尹李齊物貶竟陵太守臨封郡本封州廣信郡元年更郡名

宜春郡袁州巴陵郡岳州夷陵郡峽州安陸郡安州竟陵郡本復州沔陽郡元年更郡名舊志封州至京

師水陸四千五百一十里岳州二千二百三十七里峽州一千八百八十八里安州京師東南二千五百十

一里復州一千八百凡堅親黨坐流貶者數十人斌

安石之子瑁業之子堅之甥也瑁母亦令隨瑁之官

韋安石事武后中睿三朝業上之弟也冬十月戊戌上幸驪山溫泉

十一月乙巳還宮唐贊善大夫贊善大夫杜有鄰正五品上掌

諷誦規諫太子

女爲太子良娣

唐太子內官良娣正三品娣持計翻

良娣之娣

爲左驍衛兵曹柳勣妻

驍堅堯翻

勣性狂疎好功名喜交

結豪俊

好呼到翻喜許記翻

淄川太守裴敦復薦於北海太守

李邕

北海郡青州

邕與之定交勣至京師與著作郎王曾

等爲友皆當時名士也勣與妻族不協欲陷之爲飛

語告有鄰妄稱圖讖交構東宮指斥乘輿

乘繩證翻

林甫

令京兆士曹吉溫與御史鞠之

士曹司士參軍事掌津梁舟車舍宅工藝

乃勣首謀也溫令勣連引曾等入臺十二月甲戌有

鄰勣及曾等皆杖死積尸大理

考異曰舊紀唐麻皆作辛未今從實錄

實錄云勣與其黨並伏法詔書則曰猶寬極刑俾從杖罪其王曾等各決重杖一百杜有鄰柳勣念以微

親特寬殊死決一頓貶嶺南新興尉吉溫傳則云勳  
等杖死積尸於大理寺蓋詔雖與杖其實皆死杖下

也妻子流遠方中外震慄嗣號王巨貶義陽司馬義陽

郡申州舊志申州至京師一千七百九十六里巨邕之子也高祖之子號王鳳鳳嫡孫曰嗣

邕號王別遣監察御史羅希奭往按李邕監古銜翻太子亦

出良娣爲庶人乙亥鄴郡太守王瑀坐賊貶江華司

馬鄴郡本相州魏郡元年更名江華郡道州瑀性豪侈與李邕皆自謂耆

舊久在外意怏怏李林甫惡其負材使氣故因事除

之王瑀事上於東宮贊決誅太平公主惡烏路翻

六載春正月辛巳李邕裴敦復皆杖死邕才藝出眾

盧藏用常語之曰君如干將莫邪語牛倨翻干將莫邪吳王所鑄寶劍

難與爭鋒然終虞缺折耳

折而設翻

豈不能用林甫又奏

分遣御史卽貶所賜皇甫惟明韋堅兄弟等死羅希

爽自青州如嶺南所過殺遷謫者

希爽旣殺李邕於青州遂如嶺南也

郡縣惶駭排馬牒至宜春

御史所過沿路郡縣給驛馬故未至先有排馬牒

李適之憂懼仰藥自殺至江華王琚仰藥不死聞希

爽已至卽自縊希爽又迂路過安陸欲怖殺裴寬

怖普

布寬向希爽叩頭祈生希爽不宿而過乃得免李適

翻之子雪迎父喪至東京李林甫令人誣告雪杖死於

河南府給事中房琯坐與適之善貶宜春太守琯融

之子也

房融見二百七卷武后長安四年

林甫恨韋堅不已遣使於

循河及江淮州縣求堅罪

使疏吏翻

收繫綱典船夫溢於

牢獄

十船爲一綱以吏爲綱典船夫輓船及駕船之夫也

徵剝逋負延及鄰伍

皆裸露死於公府

裸郎果翻

至林甫薨乃止

丁亥上享

太廟戊子合祭天地於南郊赦天下制免百姓今載

田租又令削絞斬條上慕好生之名故令應絞斬者

皆重杖流嶺南其實有司率杖殺之又令天下爲嫁

母服三載

載子亥翻好呼到翻爲于僞翻下卽爲同

上欲廣求天下之士

命通一藝以上皆詣京師李林甫恐草野之士對策

斥言其姦惡建言舉人多卑賤愚瞶

瞶五怪翻

恐有俚言

污濁聖聽乃令郡縣長官精加試練灼然超絕者具

名送省委尙書覆試御史中丞監之

監古銜翻

取名實相

副者聞奏既而至者皆試以詩賦論遂無一人及第者林甫乃上表賀野無遺賢 戊寅以范陽平盧節

度使安祿山兼御史大夫祿山體充肥腹垂過膝嘗

自稱腹重三百斤外若癡直內實狡黠常令其將劉

駱谷畱京師訶朝廷指趣動靜皆報之

黠下入翻訶翻正翻有所

候伺也或應有牋表者駱谷卽爲代作通之歲獻俘虜

雜畜奇禽異獸珍玩之物

畜許救翻

不絕於路郡縣疲於

遞運祿山在上前應對敏給雜以詼諧上嘗戲指其

腹曰此胡腹中何所有其大乃爾對曰更無餘物止



有赤心耳上悅又嘗命見太子祿山不拜左右趣之

拜

趣讀曰促

祿山拱立曰臣胡人不習朝儀不知太子者

何官

朝直遙翻

上曰此儲君也朕千秋萬歲後代朕君汝

者也祿山曰臣愚鄙者惟知有陛下一人不知乃更

有儲君不得已然後拜上以爲信然益愛之上嘗宴

勤政樓百官列坐樓下獨爲祿山於御座東間設金

雞障

障坐障也畫金雞爲飾爲于僞翻

置榻使坐其前仍命卷簾以

示榮寵

卷讀曰捲

命楊銛楊錡貴妃三姊皆與祿山敘兄

弟祿山得出入禁中因請爲貴妃兒上與貴妃共坐

祿山先拜貴妃上問何故對曰胡人先母而後父上

悅 李林甫以王忠嗣功名日盛恐其入相

相息亮翻

忌

之安祿山潛蓄異志託以禦寇築雄武城

劔州廣漢川有雄武

軍

大貯兵器

貯丁呂翻

請忠嗣助役因欲畱其兵忠嗣先

期而往不見祿山而還數上言祿山必反林甫益惡

之

爲王忠嗣得罪張本先悉薦翻數所角翻上時掌翻惡烏路翻

夏四月忠嗣固

辭兼河東朔方節度許之 冬十月己酉上幸驪山

溫泉

考異曰舊紀唐厯皆作戊申今從之

改溫泉宮曰華清宮

河

西隴右節度使王忠嗣以部將哥舒翰爲大斗軍副

使李光弼爲河西兵馬使充赤水軍使

兵馬使節鎮衙前軍職也

總兵權任甚重至德以後都知兵馬使率爲藩鎮儲帥將卽亮翻使疏吏翻

翰父祖本突

騎施別部酋長

西突厥五弩失畢有哥舒闕俟斤騎奇寄翻酋慈由翻長知兩翻

光

弼契丹王楷洛之子也

開元初李楷洛封爲契丹王

皆以勇略爲

忠嗣所重忠嗣使翰擊吐蕃有同列爲之副倨慢不

爲用翰樞殺之軍中股慄

樞則孤翻

累功至隴右節度副

使每歲積石軍麥熟吐蕃輒來穫之

獲戶郭翻

無能禦者

邊人謂之吐蕃麥莊翰先伏兵於其側虜至斷其後

夾擊之

斷音短

無一人得返者自是不敢復來

復扶又翻

上

欲使王忠嗣攻吐蕃石堡城

石堡城陷見上卷開元二十九年

忠嗣

上言石堡險固吐蕃舉國守之今頓兵其下非殺數

萬人不能克臣恐所得不如所亡不如且厲兵秣馬

俟其有釁然後取之上意不快將軍董延光自請將  
兵取石堡城請將即亮翻上命忠嗣分兵助之忠嗣不得

已奉詔而不盡副延光所欲延光怨之李光弼言於

忠嗣曰大夫以愛士卒之故不欲成延光之功唐中世以

前率呼將帥爲大夫自居易詩所謂武官稱大夫是也雖迫於制書實奪其謀

也何以知之今以數萬眾授之而不立重賞士卒安

肯爲之盡力乎爲于僞翻然此天子意也彼無功必歸罪

於大夫大夫軍府充牣何愛數萬段帛不以杜其讒

口乎忠嗣曰今以數萬之眾爭一城得之未足以制

敵不得亦無害於國故忠嗣不欲爲之忠嗣今受責

天子不過以金吾羽林一將軍歸宿衛其次不過黔

中上佐

黔中一道皆溪峒蠻徭雜居貶謫而不過嶺者處之上佐長史司馬也黔音琴

忠嗣

豈以數萬人之命易一官乎李將軍子誠愛我矣然

吾志決矣子勿復言光弼曰曷者恐爲大夫之累

復扶

又翻累力瑞翻

故不敢不言今大夫能行古人之事非光弼

所及也遂趨出延光過期不克言忠嗣沮撓軍計

沮在

呂翻撓女教翻

上怒李林甫因使濟陽別駕魏林告忠嗣嘗

自言我幼養宮中與忠王相愛狎

武德四年分東平之盧縣置濟州隋

之濟北郡也天寶元年改曰濟陽郡忠嗣年九歲父海賓戰死於渭源長城堡帝養忠嗣宮中太子時爲

忠王與之遊處魏林先爲朔州刺史忠嗣節度河東朔州其巡屬也故使林譖之以示言有所自來濟子

禮翻欲擁兵以尊奉太子敕徵忠嗣入朝朝直委三司

鞠之上聞哥舒翰名召見華清宮見賢與語悅之十

一月辛卯以翰判西平太守充隴右節度使以朔方

節度使安思順判武威郡事充河西節度使西平郡

威郡戶部侍郎兼御史中丞楊慎矜爲上所厚李

林甫浸忌之慎矜與王鏐父晉中表兄弟也少與鏐

狎少詩照翻鏐之入臺頗因慎矜推引及鏐遷中丞慎矜

與語猶名之鏐自恃與林甫善意稍不平慎矜奪鏐

職田俱爲中丞因併鏐鏐母本賤慎矜嘗以語人語

倨翻鏐深銜之慎矜猶以故意待之嘗與之私語讖書

識楚

慎矜與術士史敬忠善敬忠言天下將亂勸慎

矜於臨汝山中買莊爲避亂之所

臨汝郡本伊州襄城郡貞觀八年更

伊州曰汝州天寶元年更部名爲臨汝郡

會慎矜父墓田中草木皆流血

慎矜惡之

惡鳥路翻

以問敬忠敬忠請禳之

禳如羊翻

設道場

於後園慎矜退朝輒躡履坐其中

朝直遙翻

旬

日血止慎矜德之慎矜有侍婢明珠色美敬忠屢目

之慎矜卽以遺敬忠車載過貴妃姊柳氏樓下姊邀

敬忠上樓求車中美人敬忠不敢拒明日姊入宮以

明珠自隨上見而異之問所從來明珠具以實對上

以慎矜與術士爲妖瀆惡之含怒未發楊釗以告

鑿心喜因侮慢慎矜慎怒林甫知鑿與慎矜有隙

密誘使圖之

遺于季翻上時掌翻惡烏路翻誘音酉考異曰明皇雜錄曰慎矜父墓封域

之內草木流血慎矜大懼問術者史敬思敬思曰禳之可以免於慎矜後園大陳法事令貫桎梏坐於叢林間以厭之唐麻云敬思本胡人出家還俗涉獵書傳陰陽玄象慎矜與之善每言天下將亂居於臨汝山中亦勸慎矜於臨汝買得山莊良田數十頃嘗於慎矜第夜坐談宴怒婢春草將杖殺之敬思曰七郎何須虛殺卻十頭壯牛慎矜曰何謂也敬思曰賣卻買牛每年耕田十頃慎矜雅厚敬思曰任公收取明日至市賣與太真柳氏姊得錢百二十千文買牛以歸柳氏數將春草來往宮中玄宗見其狀貌壯大應對分明數目之謂柳曰幾錢買得此婢以實對遂畱之玄宗曾晝寢問春草曰汝本何人何以得至柳家春草曰本楊慎矜婢賣與柳家玄宗曰慎矜豈少錢而賣你春草曰不是要錢本將殺某敬思救得不殺所以賣之玄宗素聞敬思名因詰問春草以實對曰每夜坐中庭或說天文遙指宿曜某亦盡知其言玄



宗怒變色良久後王鏐因奏事言引慎矜玄宗勃然曰慎矜與卿有親更不須相往來鏐初內怨慎矜凌己常隱忍不泄至是覺上意異楊釗先知之以告鏐鏐心喜數恃慢以侵之慎矜尤怒明皇雜錄又曰慎矜之婢有美者字明珠敬思數目之慎矜卽以遺之兼以囊橐甚厚以車送之敬思乘馬隨之路經貴妃妹入姨樓下方登樓張樂姨素與敬思相識固邀敬思登樓乃曰車中美人請以見遺敬思不敢拒姨明日入宮婢從上見而異之問所從來明珠曰本楊慎矜家人也近贈史敬思上曰敬思何人而慎矜輒贈以婢明珠乃具言厭勝之事上大怒曰彼爲妖乎遂告林甫林甫素忌慎矜才恐其作相以告中丞吉溫溫險害亦有憾於慎矜因構成其事今參取書之

鏐乃遣人以飛語告慎矜

隋煬帝孫

慎矜隋煬帝之左孫

與凶人往來家有讖書謀復祖

業上大怒收慎矜繫獄命刑部大理與侍御史楊釗

殿中侍御史盧鉉同鞠之太府少卿張瑄慎矜所薦

也盧鉉誣瑄嘗與慎矜論識拷掠百端瑄不肯荅辯

瑄音宣掠音亮辯者鞫問之辭今人謂之問頭

乃以木綴其足使人引其枷

柄向前輓之身加長數尺腰細欲絕眼鼻出血瑄竟

不荅又使吉溫捕史敬忠於汝州敬忠與溫父素善

溫之幼也敬忠嘗抱撫之及捕獲溫不與交言鎖其

頸以布蒙首驅之馬前至戲水

戲水在新豐東戲許互翻

溫使吏

誘之曰楊慎矜已款服惟須子一辯若解人意則生

解戶買翻

不然必死前至溫湯則求首不獲矣

溫湯卽謂會昌時置

會昌縣於溫泉宮下首式救翻謂自首其事或曰首如字

敬忠願謂溫曰七郎求

一紙溫陽不應去溫湯十餘里敬忠祈請哀切乃於

桑下令荅三紙辯皆如溫意溫徐謂曰丈人且勿恠

因起拜之至會昌

天寶元年改驪山曰會昌山三載以新豐縣去華清宮遠分新豐萬

年置會昌縣是年改溫泉曰華清宮治湯井爲池環山列宮室又築羅城置百司及十宅始鞫慎

矜以敬忠爲證慎矜皆引服惟搜讖書不獲林甫危

之使盧鉉入長安搜慎矜家鉉袖讖書入閣中詬而

出曰

詬古候翻

逆賊深藏祕記至會昌以示慎矜慎矜歎

曰吾不蓄讖書此何從在吾家哉吾應死而已丁酉

賜慎矜及兄少府少監慎餘洛陽令慎名自盡敬忠

杖百妻子皆流嶺南瑄杖六十流臨封死於會昌嗣

號王巨雖不預謀坐與敬忠相識解官南賓安置

南賓

郡忠州本巴郡之臨江縣隋義寧二年置臨州貞觀八年改忠州天寶元年改爲郡舊志忠州京師南二千一百二十里

自餘連坐者數十人慎名聞敕神色不變爲書別姊慎餘合掌指天而縊 三司按王忠嗣上

曰吾兒居深宮安得與外人通謀此必妄也

考異曰新傳

李林甫屢白太子宐有謀上云云按林甫雖志欲害太子亦未肯自言之今不取 但劾忠嗣

沮撓軍功

劾戶概翻又戶得翻沮在呂翻撓奴巧翻又奴教翻

哥舒翰之入朝

也或勸多齎金帛以救忠嗣翰曰若直道尙存王公

必不冤死如其將喪

喪息浪翻

多賂何爲遂單囊而行三

司奏忠嗣罪當死翰始遇知於上力陳忠嗣之冤且

請以己官爵贖忠嗣罪上起入禁中翰叩頭隨之言

與淚俱上感寤己亥貶忠嗣漢陽太守

漢陽郡  
沔州

李

林甫屢起大獄別置推事院於長安以楊釗有掖庭

之親

掖音亦

出入禁闈所言多聽乃引以爲援擢爲御

史事有微涉東宮者皆指摘使之奏劾付羅希奭吉

溫鞠之釗因得逞其私志所擠陷誅夷者數百家皆

釗發之

擿他歷翻擠子西翻又子細翻

幸太子仁孝謹靜張垧高力

士常保護於上前故林甫終不能聞也

間古覓翻考異曰明皇

雜錄云上與李林甫議立太子意屬忠王林甫從容言於上曰古者建立儲君必推賢德苟非有大勳於社稷則惟元子上默然曰朕長子琮往年因獵苑中所傷面目尤甚林甫曰破面不猶愈於破國乎陛下其圖之上微感其言徐思之林甫亦素知其有疾意欲動搖肅宗而託附武惠妃因以壽王瑁爲請竟以

肅宗孝友聰明中外所屬故姦邪之計莫得行焉按是時忠王若未爲太子上用林甫之言則琮爲太子矣安能及瑁新書林甫傳云林甫數危太子未得志一日從容曰古者立儲君非有大勳於社稷則莫若元子帝久之曰慶王獵爲豹傷面甚荅曰破面不愈於破國乎帝頗惑曰朕徐思之此則情理似近然新書此事必出於雜錄若太子已立則不當云止與林甫議立太子意屬忠王也今雜錄本於所傷字上脫爲豹兩字別本必有之按說文豹獸名無前足此非常有之物或者豹字誤爲豹字耳事既可疑今不取

十二月壬戌發馮翊華陰民夫築會昌城置百司

華陰郡華州馮翊郡同州華戶化翻

王公各置第舍土畝直千金癸亥

上還宮 丙寅命百官閱天下歲貢物於尙書省旣

而悉以車載賜李林甫家上或時不視朝

朝直遙翻

百司

悉集林甫第門臺省爲空陳希烈雖坐府無一人入

謁者林甫子岫爲將作監

唐初曰將作大匠龍朔改曰繕工監光宅改曰營繕

監神龍復曰將作監頗以滿盈爲懼嘗從林甫遊後園指役夫

言於林甫曰大人久處鈞軸怨仇滿天下一朝禍至

欲爲此得乎林甫不樂曰勢已如此將若之何先是

宰相皆以德度自處不事威勢騶從不過數人士民

或不之避林甫自以多結怨常虞刺客出則步騎百

餘人爲左右翼金吾靜街前驅在數百步外公卿走

避居則重關複壁

處昌呂翻樂音洛先悉薦翻騶則尤翻從才用翻騎奇寄翻下同重

直龍

以石贅地

贅則又翻

牆中置板如防大敵一夕屢徙

牀雖家人莫知其處宰相騶從之盛自林甫始

初

將軍高仙芝本高麗人

麗力知翺

從軍安西仙芝驍勇善

騎射

驍堅堯翻

節度使夫蒙靈訥屢薦至安西副都護都

知兵馬使充四鎮節度副使吐蕃以女妻小勃律王

小勃律去長安九千里而贏距吐蕃贊普身三千里妻七細翻

及其旁二十餘國皆

附吐蕃貢獻不入前後節度使討之皆不能克制以

仙芝爲行營節度使將萬騎討之

將卽亮翻

自安西行百

餘日乃至特勒滿川分軍爲三道

特勒滿川卽五識匿國所居三道一

由北谷道一由赤佛道仙芝自由護密道自護密勒城南至小勃律國都五百里

期以七月

十三日會吐蕃連雲堡下

連雲堡南依山北

有兵近

萬人

近其斬翻

不意唐兵猝至大驚依山拒戰礮柵如雨



仙芝以郎將高陵李嗣業爲陌刀將

礮匹貌翻礮盧對翻礮卽礮石

杜佑曰櫛木長五尺徑一尺小至六七寸唐六典武庫令掌兵器辨其名數以備國用刀之制有四曰儀

刀曰障刀曰橫刀曰陌刀儀刀蓋古斑劍之類宋晉以來謂之御刀後魏曰長刀皆施龍鳳環至隋謂之

儀刀裝飾以金銀羽儀所執障刀蓋用以障身以禦敵橫刀佩刀也兵士所佩名亦起於隋陌刀長刀也

步兵所持蓋古之斬馬劍令之曰不及日中決須破虜嗣業執一

旗引陌刀緣險先登力戰自辰至巳大破之

日舊嗣

業傳云天寶七載今從實錄及封常清傳斬首五千級捕虜千餘人餘皆

逃潰中使邊令誠以入虜境已深懼不敢進

邊令誠時爲監

軍使疏吏翻

仙芝乃使令誠以羸弱三千守其城

羸倫爲翻復

進三日至坦駒嶺下峻阪四十餘里

復扶又翻

前有阿弩

越城仙芝恐士卒憚險不肯下先令人胡服詐爲阿

弩越城守者迎降

降戶江翻

云阿弩越赤心歸唐娑夷水

藤橋已斫斷矣娑夷水卽弱水也

小勃律王居孽多城臨娑夷水娑素

禾翻其水不能勝草芥

勝音升

藤橋者通吐蕃之路也仙

芝陽喜士卒乃下又三日阿弩越城迎者果至明日

仙芝入阿弩越城遣將軍席元慶將千騎前行謂曰

小勃律聞大軍至其君臣百姓必走山谷

走音奏

第呼

出取繒帛稱敕賜之

繒慈陵翻

大臣至盡縛之以待我元

慶如其言悉縛諸大臣王及吐蕃公主逃入石窟取

不可得仙芝至斬其附吐蕃者大臣數人藤橋去城

猶六十里仙芝急遣元慶往斫之甫畢吐蕃兵大至

已無及矣藤橋闕盡一矢力修之暮年乃成八月仙

芝虜小勃律王及吐蕃公主而還九月至連雲堡與

邊令誠俱月末至播密川遣使奏狀奏捷狀於京師使疏使翻至

河西此河西白馬河西也自安西西出拓厥開度白馬河夫蒙靈詈怒仙芝不

先言已而遽發奏一不迎勞一猶言一切勞力到翻罵仙芝曰

噉狗糞高麗奴噉徒濫翻又徒覽翻汝官皆因誰得而不待我

處分處昌呂翻分扶問翻擅奏捷書高麗奴汝罪當斬但以汝

新有功不忍耳仙芝但謝罪邊令誠奏仙芝深入萬

里立奇功今日旦夕憂死

資治通鑑卷第二百一十五

資治通鑑卷第二百一十六

端明殿學士兼翰林侍讀學士太中大夫提舉西京嵩山崇福宮上柱國  
河內郡開國公食邑二千二百戶食實封九百戶賜紫金魚袋臣司馬光奉  
勅編集

後學 天台胡三省 音注

唐紀三十二

起疆圉大淵獻十二月盡昭陽大荒落凡六年  
有奇始丁丑十二月終癸巳凡六年零一月

玄宗至道大聖大明孝皇帝下之上

天寶六載

載子亥翻

十二月己巳上以仙芝爲安西四鎮

節度使徵靈訥入朝

使疏吏翻朝直遙翻

靈訥大懼仙芝見靈

警趨走如故靈警益懼副都護京兆程千里押身畢

思琛及行官王滔等

押身者盡管節度使身內之事行官主將命往來京師及鄰道

及巡內郡縣琛丑林翻

皆平日構仙芝於靈警者也仙芝面責

千里思琛曰公面如男子心如婦人何也又捽滔等

欲笞之

捽才沒翻笞丑之翻

既而皆釋之謂曰吾素所恨於汝

者欲不言恐汝懷憂今既言之則無事矣軍中乃安

初仙芝爲都知兵馬使猗氏人封常清少孤貧細瘦

類目

少詩照翻類盧對翻

一足偏短求爲仙芝慊不納常清曰

候仙芝出入不離其門凡數十日

慊苦念翻離力仙智翻下離席同

芝不得已畱之會達奚部叛夫蒙靈警使仙芝追之

斬獲略盡常清私作捷書以示仙芝皆仙芝心所欲

言者由是一府奇之仙芝爲節度使卽署常清判官

仙芝出征常爲畱後

唐諸使之屬判官位次副使盡總府事又節度使或出征或入

朝或死而未有代皆有知畱後事其後遂以節度畱後爲稱至我朝遂以畱後爲承宣使資序未應建節

者爲

仙芝乳母子鄭德詮爲郎將

將卽亮翻仙芝遇之如

兄弟使典家事威行軍中常清嘗出德詮自後走馬

突之而過常清至使院

使院畱後治事之所節度使便坐治事亦或就使院使疏

吏翻使召德詮每過一門輒闔之旣至常清離席謂曰

常清本出寒微郎將所知今日中丞命爲畱後

離力智翻

中丞謂高仙芝唐邊鎮諸帥或帶御史中丞大夫時隨其所帶官稱之

郎將何得於眾

中相陵突因叱之曰郎將須斃死以肅軍政

斃與遂暫同

杖之六十面仆地曳出仙芝妻及乳母於門外號哭

救之不及因以狀白仙芝仙芝覽之驚曰已死邪及

見常清遂不復言

號戶高翻復扶又翻

常清亦不之謝軍中畏

之惕息

史言封常清能治軍政亦緣高仙芝不以私親撓法惕他歷翻

自唐興以來

邊帥皆用忠厚名臣不久任不遙領不兼統功名著

者往往入爲宰相

如李靖李勣劉仁軌婁師德之類是也開元以來薛訥郭元振張嘉

貞王暉張說杜暹蕭嵩李適之其四夷之將雖才略

如阿史那社爾契苾何力猶不專大將之任皆以大

臣爲使以制之

社爾討高昌侯君集爲元帥何力討高麗李勣爲元帥將卽亮瀚契歟訖



翻苾賦必紹使疏吏翻

及開元中天子有吞四夷之志爲邊將

者十餘年不易始久任矣

王峻郭知運張守珪之類是也

皇子則慶

忠諸王宰相則蕭嵩牛仙客始遙領矣

諸王事見二百十三卷開

元十五年蕭嵩事見十七年牛仙客事見二百十四卷二十四年

蓋嘉運王忠嗣專

制數道始兼統矣

蓋嘉運事見二百十四卷開元二十八年王忠嗣事見上卷五載蓋

古合

李林甫欲杜邊帥入相之路以胡人不知書乃

奏言文臣爲將怯當矢石不若用寒峻胡人

寒謂卑賤峻嘗

有事農耕者也峻音俊

胡人則勇決習戰寒族則孤立無黨陛

下誠以恩洽其心彼必能爲朝廷盡死

爲于

上悅其

言始用安祿山至是諸道節度盡用胡人

安祿山安思順哥舒

翰高仙芝皆胡人也精兵咸戍北邊天下之勢偏重卒使祿山

傾覆天下皆出於林甫專寵固位之謀也卒子恤翻

七載夏四月辛丑左監門大將軍知內侍省事高力

士加驃騎大將軍知內侍省事自此始唐制勳階二十九驃騎大將軍為之首從一品

力士承恩歲久中外畏之太子亦呼監古銜翻驃匹妙翻騎奇寄翻

之為兄諸王公呼之為翁駙馬輩直謂之爺爺以遮翻俗呼

自李林甫安祿山輩皆因之以取將相其家富父為爺

厚不貲將即亮翻相悉亮翻貲即移翻不貲言不可筭計也於西京作寶壽寺

寺鐘成力士作齋以慶之舉朝畢集宋璟若在必不預斯集矣朝直

遙擊鐘一杵施錢百緡施式政翻有求媚者至二十杵少

者不減十杵然性和謹少過善觀時俯仰不敢驕橫

故天子終親任之士大夫亦不疾惡也

少詩照翻橫  
戶孟翻惡烏

翻路五月壬午羣臣上尊號曰開元天寶聖文神武

應道皇帝

上時  
掌翻

赦天下免百姓來載租庸擇後魏子

孫一人爲三恪

三恪二王後注已見前杜佑曰周得  
天下封夏殷二王後又封舜後謂之

恪恪敬也義取王之所敬故曰三恪天寶十三載公

卿議曰三恪二王之議有三說焉一曰二王之前更

立三代之後爲三恪此據樂記武王克商未及下車

封黃帝堯舜之後下車封夏殷之後而言一曰二王

之前但存一代通二王爲三恪此據左傳但封胡公

以備三恪明王者所敬先王有二更封一代以備三

恪三云二王之後爲一恪妻之父母爲二恪夷狄之

君爲三恪此據王有不臣者三而言之梁崔靈恩云

三說以初爲長按二王三恪經無正文靈恩據禮記

遂以爲通存五代竊恐未安記云尊賢不過二代第

三代者雖遠難師法豈得不錄其後故亦存之示敬其道而已因謂之三恪故左傳云封胡公以備三恪足知其無五代也況歷代至今皆以三代爲三恪焉以此攷之蓋以後魏子孫與周隋子孫爲三恪也明年尋罷魏後

六月庚子賜安祿山鐵券度支郎

注又見後

中兼侍御史楊釗善窺上意所愛惡而迎之以聚斂

驟遷歲中領十五餘使

釗音昭斂力贍翻惡烏路翻使疏吏翻洪邁隨筆曰楊國

忠爲度支郎領十五餘使至宰相凡領四十餘使新舊唐史皆不詳載其職案其拜相制前銜云御史大夫判度支權知太府卿事兼蜀郡長史劔南節度支度營田等副大使本道兼山南西道採訪處置使兩京太府出納監倉祠祭木炭宮市長春九成宮等使關內道及京畿採訪處置使拜右相兼吏部尚書集賢殿崇玄館學士脩國史太清紫微宮使自餘所領又有管當租庸鑄錢等使以是觀之概可見矣

甲

長遷給事中兼御史中丞專判度支事

度徒洛翻

恩幸日

隆

蘇冕論曰設官分職各有司存政有恆而易守

戶恆

登翻易以鼓翻

事歸本而難失經遠之理捨此奚據泊姦

臣廣言利以邀恩多立使以示寵

泊其冀翻使疏吏翻

刻下

民以厚斂張虛數以獻狀上心蕩而益奢人望怨而成禍使天子有司守其位而無其事受厚祿而虛其用宇文融首唱其端楊慎矜王鉷繼遵其軌

鉷戶公翻

楊國忠終成其亂仲尼云寧有盜臣而無聚

斂之臣

記大學百乘之家不畜聚斂之臣與其有聚斂之臣寧有盜臣

誠哉是言

前車既覆後轍未改求達化本不亦難乎

冬十月庚戌上幸華清宮十一月癸未以貴妃姊

適崔氏者爲韓國夫人適裴氏者爲虢國夫人適柳

氏者爲秦國夫人三人皆有才色上呼之爲姨出入

宮掖並承恩澤勢傾天下每命婦入見姊蔣兒翻掖音亦命婦外

命婦也見賢遍翻玉真公主等皆讓不敢就位玉真公主睿宗之女三

姊與銛錡五家凡有請託府縣承迎峻於制敕四方

賂遺銛丑廉翻錡魚倚翻遺于季翻下獻遺同輻湊其門惟恐居後朝夕

如市十宅諸王及百孫院昏嫁十王宅百孫院見二百十三卷開元十五

年皆以錢千緡賂韓虢使請無不如志上所賜與及

四方獻遺五家如一競開第舍極其壯麗一堂之費

動踰千萬既成見它人有勝己者輒毀而改爲號國

尤爲豪蕩一旦帥工徒突入韋嗣立宅卽撤去舊屋

縉瀨賓翻帥讀日率去羌呂翻

自爲新第但授韋氏以隙地十畝而

已中堂既成召工圻塿

圻音烏塿謨官翻

約錢二百萬復求

賞技

復扶又翻技巨綺翻

號國以絳羅五百段賞之噉而不顧

曰請取螻蟻蜥蜴

噉丑之翻蜥先擊翻蜴羊益翻師古曰爾雅云蝮蟬蜥蜴蝮蟬守宮

是則一類耳揚雄方言云在澤中者謂之蜥蜴

記其數置堂中苟失一物不

敢受直 十二月戊戌或言亥元皇帝降于朝元閣

上於華清宮中起老君殿殿之北爲朝元閣以或言老君降于此改曰降聖閣制改會昌縣

曰昭應廢新豐入昭應辛酉上還宮

自溫泉宮還從宣翻又音如字

哥舒翰築神威軍於青海上吐蕃至翰擊破之又

築城於青海中龍駒島

吐從噉入聲青海周八九百里中有山須冰合遊牝馬其

上明年生駒號龍種故謂之龍駒島

謂之應龍城吐蕃屏跡不敢近青

海

屏必鄂翻近其靳翻

是歲雲南王歸義卒子閣羅鳳嗣以

其子鳳迦異爲陽瓜州刺史

卒子恤翻嗣祥吏翻南詔王父子相繼其子必

以父號下一字冠於己所號之上歸義本號皮邏閣

帝賜名歸義其子號閣羅鳳是以閣字冠其號之上也

也閣羅鳳之子號鳳迦異是以鳳字冠其號之上也

其後至豐祐乃革其舊開元二十六年考異不取此

說然二百四十三卷穆宗之長慶四年則又書豐祐不與父連名事

八載春二月戊申引百官觀左藏

唐六典曰周禮有外府中士主泉藏

之在外者掌邦布之入出以供百物而待邦用者也又有職幣上士中士主貨幣之入者也並今左藏之



職至秦漢則分在司農少府後漢少府屬官有中藏  
府令丞掌中藏幣帛金銀貨物魏氏因之晉少府屬  
官有左右藏令東晉御史九人各掌一曹有庫曹御  
史後復分庫曹置外左庫內左庫宋文帝省外左庫  
而內左庫直曰左庫齊梁陳有右藏庫而無左藏北  
齊太府寺統左右藏令丞後周有外府上士中士隋  
有左右藏署令丞唐左藏有東庫西庫朝堂庫又有  
東都庫余按雍錄太極宮中東左藏庫西左藏庫東  
庫在恭禮門之東西庫在安仁門之西大明宮中有  
左藏庫在麟德殿之左又有右藏署令掌邦國寶貨  
雜物而天下賦調之正數錢物則賜帛有差是時州  
皆歸左藏也藏徂浪翻下帑藏同

縣殷富倉庫積粟帛動以萬計楊釗奏請所在糶變  
爲輕貨及徵丁租地稅皆變布帛輸京師屢奏帑藏

充物古今罕儔故上帥羣臣觀之釗音昭帥讀日率賜釗紫

衣金魚以賞之上以國用豐衍故視金帛如糞壤賞

賜貴寵之家無有限極 三月朔方節度等使張齊

丘於中受降城西北五百餘里木刺山築橫塞軍以

振遠軍使鄭人郭子儀為橫塞軍使 橫塞軍本名可敦城按宋白續

通典橫塞軍初置在飛狐後移蔚州開元六年張嘉貞移於古代郡大安城南以為九姓之接天寶十二

年改為天德軍參考諸書橫塞軍即橫野軍天寶元年書河東節度統橫野軍開元六年所移者也此築

橫塞軍在可敦城者也振遠軍在單于府界鄭縣漢屬京兆後魏置東雍州并華山縣西魏改華州隋開

皇初廢郡大業初廢州復置鄭縣屬京兆唐屬華州使疏吏翻降戶江翻刺盧達翻 夏四月

咸寧太守趙奉璋 咸寧郡本丹州丹陽郡元年更郡名守式又翻 告李林甫

罪二十餘條狀未達林甫知之諷御史逮捕以為妖

言杖殺之 妖於喬翻 先是折衝府皆有木契銅魚朝廷

徵發下敕書契魚

唐制銅魚符所以起軍旅王畿之內左三右一王畿之外左五右一

左者在外行用之日從第一爲首後事須用依次發之周而復始木契之制若太子監國則王畿之內左右各三王畿之外左右各五庶官鎮守則左右各十唐六典符寶郎掌符節曰木契者所以重鎮守慎出納車駕巡幸皇太子監國有兵馬受處分者爲木契并行軍所及領軍五百人馬五百匹以上征討皆給木契三公以下兩京畱守及諸州有兵馬受處分亦給木契曰銅魚符者所以起軍旅易守長兩京畱守若諸州諸軍折衝府諸處捉兵鎮守之所及宮總監皆給魚符程大昌演繁露曰唐世左魚之外又有敕牒將之故兼名魚書

先悉薦翻下遐嫁翻都督郡府參驗皆合然後遣之

自募置曠騎

曠騎見二百一十二卷開元十三年曠音郭又音霍

府兵日益墮

壞

墮讀隳

死及逃亡者有司不復點補

復扶又翻

其六馱馬

牛器械糗糧耗散略盡

馱徒何翻糗去九翻

府兵入宿衛者謂

之侍官言其爲天子侍衛也其後本衛多以假人役

使如奴隸長安人羞之至以相詬病記儒行曰今眾人以儒相詬病

注以儒相靳故相戲詬病猶恥辱也杜預云戲而相愧爲靳詬音遘又呼候翻其戍邊者又

多爲邊將苦使利其死而沒其財將卽亮翻由是應爲府

兵者皆逃匿至是無兵可交五月癸酉李林甫奏停

折衝府上下魚書是後府兵徒有官吏而已唐府兵之制十

人爲火火有長火備六馱馬凡火具烏布幕鐵馬孟布槽鋪鑊鑿碓筐斧鉗鋸皆一甲狀二鎌二五十人

爲隊隊具火鑽一胸馬繩一首羈足絆皆三人具弓一矢三十胡祿橫刀礪石大鱗氈帽氈裝行膝皆一

麥飯九斗米二斗皆自備其介冑戎具藏于庫有所征行則視其人而出給之其番上宿衛者惟給弓矢

橫刀而已今皆耗廢非其舊矣其折衝果毅又歷年不遷士大夫亦

恥爲之其曠騎之灑天寶以後稍亦變廢應募者皆

市井負販無賴子弟

孔穎達曰白虎通云因井爲市故曰市井應劭通俗文云市特

也養贍老小恃以不匱也俗說市井謂至市者於井上洗濯其物香潔及自嚴飾乃到市也謹案古者二十畝爲一井因爲市交易故稱市井然則本由井田之中交易爲市故國都之市亦因曰市井案禮制九夫爲井應劭二十畝爲井者劭依漢書食貨志一井八家家有私田百畝公田十畝餘二十畝以爲井竈廬舍故言二十畝耳未嘗習兵時承平日久議者多

謂中國兵可銷于是民間挾兵器者有禁子弟爲武官父兄擯不齒猛將精兵皆聚於西北中國無武備

矣 太白山人李渾等上言

水經注曰武功縣有太白山古文以爲終南亦

曰中南亦曰太白山在武功縣南去長安二百里不知其高幾何俗云武功太白去天三百杜彥遠曰太

白山南連武功山於諸山最爲秀傑冬夏積雪望之皓然隋志曰太一山在盩厔縣界新志曰太白山在

縣見神人言金星洞有玉板石記聖主福壽之符命

御史中丞王鎡入仙遊谷求而獲之上以符瑞相繼  
皆祖宗休烈六月戊申上聖祖號曰大道玄元皇帝  
上高祖諡曰神堯大聖皇帝太宗諡曰文武大聖皇  
帝高宗諡曰天皇大聖皇帝中宗諡曰孝和大聖皇  
帝睿宗諡曰玄真大聖皇帝竇太后以下皆加諡曰  
順聖皇后 辛亥刑部尚書京兆尹蕭奩坐贓左遷  
汝陰太守 汝陰郡 潁州 上命隴右節度使哥舒翰帥隴  
右河西及突厥阿布思兵益以朔方河東兵凡六萬

三千攻吐蕃石堡城

厥九勿翻吐  
從賊入聲

其城三面險絕惟

一徑可上

上時  
掌翻

吐蕃但以數百人守之多貯糧食積

櫓木及石

貯丁呂翻  
櫓盧對翻

唐兵前後屢攻之不能克翰進

攻數日不拔召裨將高秀巖張守瑜欲斬之

高秀巖  
後爲安

祿山守大同蓋二  
人朔方河東將也

二人請三日期可克如期拔之獲

吐蕃鐵刃悉諾羅等四百人唐士卒死者數萬果如

王忠嗣之言

王忠嗣言見  
上卷六載

頃之翰又遣兵於赤嶺西

開屯田以諳卒二千戍龍駒島冬冰合吐蕃大集戍

者盡沒

深入虜境聲援不接  
兵法曰遺人獲也

閏月乙丑以石堡城

爲神武軍又於劔南西山索磨川置保寧都護府

置保

靈都護府以領牂柯吐蕃

丙寅上謁太清宮

天寶元年正月得靈符起玄元皇帝

廟於西京大靈坊東京置於東宮積善坊臨淄舊邸天下諸郡各置玄元像於開元觀至二年三月十二

日改在京玄元宮爲太清宮東京爲太極宮天下諸郡爲紫極宮

丁卯羣臣上尊號

曰開元天地大寶聖文神武應道皇帝赦天下禘祫

自今於太清宮聖祖前設位序正 秋七月冊突騎

施移撥爲十姓可汗

騎奇寄翻可從刊入聲汗音寒

八月乙亥護

密王羅真檀入朝

朝直遙翻

請畱宿衛許之拜左武衛將

軍 冬十月乙丑上幸華清宮 十一月乙未吐火

羅葉護失里怛伽羅遣使表稱竭師王親附吐蕃

怛當

割翻伽求加翻使疏吏翻竭丘竭翻又去謁翻

困苦小勃律鎮軍阻其糧道



臣思破凶徒望發安西兵以來歲正月至小勃律六

月至大勃律

羯師亦曰羯師胡種也與吐火羅鄰接大勃律或曰布露直吐蕃西其北卽小

勃律也

上許之

九載春正月己亥上還宮羣臣屢表請封西嶽許

之二月楊貴妃復忤旨送歸私第

楊妃初忤旨見上卷五載復扶

又翻忤五故翻

戶部郎中吉溫因宦官言於上曰婦人識慮

不遠違忤聖心陛下何愛宮中一席之地不使之就

死豈忍辱之於外舍耶

吉溫此言欲以自結于楊妃耳耶音耶

上亦悔

之遣中使賜以御膳妃對使者涕泣曰妾罪當死陛

下幸不殺而歸之今當永離掖庭

使疏吏翻下同離力智翻掖音亦

金玉珍玩皆陛下所賜不足爲獻惟髮者父母所與

敢以薦誠乃翦髮一縑而獻之

縑力照翻

上遽使高力士

召還寵待益深

還從宣翻又如字婦人女子最爲難

出而復召還則彼之怙寵悍悻將無所不至明皇時其可再乎古之所謂英主如漢武之于鉤弋庶乎時

諸貴戚競以進食相尚上命宦官姚思藝爲檢校進

食使水陸珍羞數千盤一盤費中人十家之產中書

舍人竇華嘗退朝

使疏吏翻朝直遙翻

值公主進食列于中衢

傳呼按轡出其間宮苑小兒數百奮槌於前

宮苑小兒宮苑

使領之槌待鼎翻

華僅以身免

安西節度使高仙芝破羯

師虜其王勃特沒

竭巨竭翻一月吐火羅

葉護請使安西兵討

揭師上許之不見出師今載三月庚子冊揭師國王勃特沒兄素迦爲王冊曰頃勃特沒於卿不孝于國不忠不言揭師爲誰所破按十載正月高仙芝擒揭師王來獻然則揭師爲仙芝所破也三月庚

子立勃特沒之兄素迦爲揭師王

迦音加

上命御史

大夫王鎡鑿華山路設壇場於其上

鎡戶公翻華戶化翻

是春

關中旱辛亥嶽祠災制罷封西嶽

夏四月己巳御

史大夫宋渾坐贓巨萬流潮陽

潮陽郡本潮州義安郡元年更郡名初

吉溫因李林甫得進

天寶四載吉溫鞠兵部之獄自是得進

及兵部侍

郎兼御史中丞楊釗恩遇浸深溫遂去林甫而附之

爲釗畫代林甫執政之策

釗音昭爲于僞翻

蕭奘及渾皆林

甫所厚也

昃火迴翻

求得其罪使釗奏而逐之以翦其心

腹林甫不能救也 五月乙卯賜安祿山爵東平郡

王唐將帥封王自此始將即亮翻 帥所類翻 秋七月乙亥置

廣文館於國子監以教諸生習進士者時廣文館置 博士二員助

教一員 八月丁巳以安祿山兼河北道采訪處置使

朔方節度使張齊丘給糧失宐軍士怒毆其判官

毆烏口翻 兵馬使郭子儀以身捍齊丘乃得免世皆知郭子儀得眾

然後能捍免張齊丘而不知當此之時唐之軍政果安在也 癸亥齊丘左遷濟陰

太守濟陰郡曹州 濟子禮翻 以河西節度使安思順權知朔方

節度事 辛卯處士崔昌上言處昌呂翻 上時掌翻 國家宐承

周漢以土代火周隋皆閏位不當以其子孫爲二王

後事下公卿集議

下遐  
嫁翻

集賢殿學士衛包上言集議

之夜四星聚於尾天意昭然上乃命求殷周漢後爲

三恪廢韓介鄴公

韓元魏後介後周後鄴隋後鄴戶  
圭翻孔穎達曰古春秋左氏說周

家封夏殷二王之後以爲上公封黃帝堯舜之後謂  
之三恪鄭氏云所存二王之後者命使郊天以天子

之禮祭其始祖受命之王自行其正朔服色恪者敬  
也敬其先聖而封其後與諸侯無殊異不得比夏殷

後之以昌爲左贊善大夫包爲虞部員外郎 冬十月

庚甲上幸華清宮 太白山人王玄翼上言見玄元

皇帝言寶仙洞有妙寶真符

考異曰舊志王鉉奏  
玄翼見玄元于寶仙洞

中遣鉉與張均王倓王濟王翼王嶽靈于洞中得玉  
石函上清護國經寶券紀錄等獻之今從實錄云

命刑部尚書張均等往求得之時上尊道教慕長生

故所在爭言符瑞羣臣表賀無虛月李林甫等皆請

捨宅爲觀

觀古玩翻

以祝聖壽上悅

安祿山屢誘奚契

丹爲設會飲以葇荂酒

本草曰葇荂子生海邊川谷今處處有之苗莖高二三尺

許葉與地黃紅藍等而三指闊四月開花紫色苗夾莖有白毛五月結實有殼作罌子狀如小石榴房中

子至細青白如米粒毒甚煮一二日而芽方生以釀酒其毒尤甚爲于僞翻下先爲同飲于鳩翻葇音浪

若音蕩

醉而阮之動數千人函其酋長之首以獻前後

數四至是請入朝上命有司先爲起第於昭應

時王公皆

私置第于昭應獨祿山以承恩命有司起第酋慈由翻長知兩翻朝直遙翻

祿山至戲水

戲許空翻

楊釗兄弟姊妹皆往迎之冠蓋蔽野上自幸望

春宮以待之辛未祿山獻奚俘八千人上命考課之

日書上上考前此聽祿山於上谷鑄錢五壚祿山乃

獻錢樣千緡

緡彌頻翻

楊釗張易之之甥也

釗音昭考異曰鄭

審天寶故事云楊國忠本張易之之子天授中張易之之恩幸莫比每歸私第詔令居樓上仍去其梯母恐張氏絕嗣乃密令女奴蠶珠上樓遂有娠而生國忠其說曖昧無稽今不取奏乞昭雪易

之兄弟

易之兄弟誅見二百七卷中宗神龍元年

庚辰制引易之兄弟迎

中宗於房陵之功

迎中宗非特二張倡其議也事見二百六卷武后聖曆元年

復

其官爵

考異曰唐麻在七月二十五日今從實錄

仍賜一子官釗以圖

識有金刀請更名

識楚譜翻更工衡翻

上賜名國忠 十二月

乙亥上還宮

關西遊弈使王難得擊吐蕃克五橋

拔樹敦城以難得爲白水軍使

使疏吏翻吐從墩入聲樹敦城以古犬戎

王樹惇名城障在吐谷渾界唐在吐蕃界

安西四鎮節度使高仙芝僞

與石國約和引兵襲之虜其王及部眾以歸悉殺其

老弱仙芝性貪掠得瑟瑟十餘斛

使疏吏翻張揖廣雅曰瑟瑟碧珠也

黃金五六橐駝其餘口馬雜貨稱是皆入其家

爲石國王

子扇誘諸國以覆仙芝之師張本稱尺證翻

楊國忠德鮮于仲通

鮮于仲通資給

國忠又推轂之事見上卷四載

薦爲劔南節度使仲通性褊急失蠻

夷心

褊補典翻

故事南詔常與妻子俱謁都督過雲南雲

南太守張虔陀皆私之

過古禾翻雲南郡姚州守式又翻

又多所徵

求南詔王閣羅鳳不應虔陀遣人詈辱之仍密奏其

罪閣羅鳳忿怒是歲發兵反攻陷雲南殺虔陀取夷



州三十二

夷州謂西南夷附化羈縻之州也

十載春正月壬辰上朝獻太清宮癸巳朝享太廟

載祖

亥翻朝直遙翻

甲子合祭天地於南郊赦天下免天下今載

地稅

上書壬辰癸巳下書丁酉則甲子當作甲午

丁酉命李林甫遙領朔

方節度使以戶部侍郎李暉知畱後事 庚子楊氏

五宅夜遊

楊銛鎬及韓毓秦三夫人爲五宅

與廣平公主從者爭西

市門

廣平新書作廣寧公主上女也從才用翻

楊氏奴揮鞭及公主衣公

主墜馬駙馬程昌裔下扶之亦被數鞭公主泣訴於

上上爲之杖殺楊氏奴

被皮義翻爲子僞翻下司爲使爲違爲同明日免

昌裔官不聽朝謁 上命有司爲安祿山治第於親

仁坊

治直之翻

敕令但窮壯麗不限財力既成具幄帟器

皿充物其中有帖白檀牀二皆長丈闊六尺

本草圖經曰檀

香木如檀生南海種有黃白紫之異帟音亦長直亮翻

銀平脫屏風帳方丈六

尺於廚廩之物皆飾以金銀金飯豐二

豐於耕翻缶也

銀淘

盆二

淘盆所以浙米

皆受五斗織銀絲筐及笊籬各一

筐去王翻

所以瀝米笊側絞翻籬音離笊籬所以轄釜取食物

它物稱是

稱尺證翻

雖禁中服

御之物殆不及也上每令中使爲祿山護役

護監護也使疏

吏翻下同

築第及造儲侍賜物常戒之曰胡眼大勿令笑

我

侍直里翻大唐佐翻

祿山入新第置酒乞降墨敕請宰相至

第是日上欲於樓下擊毬遽爲罷戲命宰相赴之曰

遣諸楊與之選勝遊宴侑以梨園教坊樂

梨園皇帝梨園弟子

也教坊內教坊也

上每食一物稍美或後苑校獵獲鮮禽輒

遣中使走馬賜之絡繹於路甲辰祿山生日上及貴

妃賜衣服寶器酒饌甚厚

饌雜總翻又雜曉翻

後三日召祿山

入禁中貴妃以錦繡爲大襜褕裹祿山使宮人以綵

輿昇之

襜居兩翻昇羊茹翻

上聞後宮歡笑問其故左右以貴

妃三日洗祿兒對上自往觀之喜賜貴妃洗兒金銀

錢復厚賜祿山盡歡而罷

復扶又翻

自是祿山出入宮掖

不禁或與貴妃對食或通宵不出頗有醜聲聞於外

上亦不疑也

聞音問觀明皇所以待祿山者昏庸之主所不爲殆天奪之魄也

考異曰祿

山事迹正月二十日祿山生日玄宗及太真賜祿山  
器皿衣服件目甚多後三日召祿山入內貴妃以錦  
繡繡縛祿山令內人以綵輿舁之宮中歡呼動地玄  
宗使人問之報云貴妃與祿兒作三日洗兒玄宗就  
觀之大悅因賜貴妃洗兒金銀錢物極歡而罷自是  
宮中皆呼祿山爲祿兒不禁其出入溫奎天寶亂離  
西幸記祿山諂約楊妃誓爲子母自號國己下次及  
諸王皆戲祿兒與之促膝娛宴上時聞後宮三千合  
處喧笑密偵則祿山果在其內貴戚揉雜未之前聞  
凡曰釵鬟皆陷厚利或通宵禁掖睨狎嬪嬙和士開  
之出入臥內方此爲疎薊城戾之獲廁刑餘又奚足  
尙王仁裕天寶遺事云祿山常與妃子同食無所不  
至帝恐外人以酒毒之遂賜金牌子繫于臂上每有  
王公召宴欲沃以巨觥卽祿山以金牌示之云準敕  
戒酒今

略取之 安西節度使高仙芝入朝獻所擒突騎施

可汗吐蕃酋長石國王竭師王加仙芝開府儀同三  
司尋以仙芝爲河西節度使代安思順思順諷羣胡

割耳勢面請畱已制復畱思順於河西

勢力之翻復扶又翻

安祿山求兼河東節度二月丙辰以河東節度使韓

休珉爲左羽林將軍以祿山代之戶部郎中吉溫見

祿山有寵又附之約爲兄弟說祿山曰李右丞相雖

以時事親三兄

天寶元年改侍中爲左相中書令爲右相李林甫時爲右相中書令之職

也丞字衍安祿山第三說式芮翻

不必肯以兄爲相溫雖蒙驅使終

不得超擢兄若薦溫於上溫卽奏兄堪大任其排林

甫出之爲相必矣祿山悅其言數稱溫才於上上亦

忘曩日之言

數所角翻忘巫放翻言見上卷四載

會祿山領河東因奏

溫爲節度副使知畱後以大理司直張通儒爲畱後

判官

大理司直從六品上通儒帶司直而爲河東留  
後判官是後節鎮有帶六曹尚書有帶三省長

官有帶三公三師其屬亦率帶六品以下朝職謂之  
帶職黃琮曰外官帶職有憲銜有檢校憲銜自監察  
御史至御史大夫檢校自國子  
祭酒至三公唐及五代之制也

河東事悉以委之是

時楊國忠爲御史中丞方承恩用事祿山登降殿階

國忠常扶掖之

掖音亦

祿山與王鉷俱爲大夫鉷權任

亞於李林甫祿山見林甫禮貌頗倨林甫陽以它事

召王大夫鉷至趨拜甚謹祿山不覺自失容貌益恭

林甫與祿山語每揣知其情先言之

揣初委翻

祿山驚服

祿山於公卿皆慢侮之獨憚林甫每見雖盛冬常汗

沾衣林甫乃引與坐於中書廳

廳他經翻中庭日聽  
事言受事察訟下是

也漢晉皆作聽事六朝以來乃始加廣而徑曰廳

以撫以溫言自解披袍以覆

之祿山忻荷言無不盡

覆扶又翻荷下可翻

謂林甫爲十郎

林甫

第十既歸范陽劉駱谷每自長安來必問十郎何言得

美言則喜或但云語安大夫

語牛倨翻

須好檢校輒反手

據牀曰噫嘻我死矣祿山既兼領三鎮賞刑已出日

益驕恣自以曩時不拜太子

事見上卷六載

見上春秋高頗

內懼又見武備墮弛

墮讀日隳

有輕中國之心孔目官嚴

莊孔目官衙前吏職也唐世始有此名言凡使司之事一孔一目皆須經由其手也

掌書記

高尙

掌書記位判官下古記室參軍之任

因爲之解圖讖勸之作亂

爲干

偽翻讖楚語翻

祿山養同羅奚契丹降者八千餘人謂之曳

落河

契欺訖翻又音契降戶江翻  
迹云養爲己子按養子必無八千之數今不取

考異曰祿山事

曳落河者胡言壯士也及家僮百餘人皆驍勇善戰

一可當百又畜戰馬數萬匹

驍堅堯翻  
畜許六翻

多聚兵仗分

遣商胡詣諸道販鬻歲輸珍貨數百萬

輪春遇翻私作緋

紫袍魚袋以百萬計以高尙嚴莊張通儒及將軍孫

孝哲爲腹心史思明安守忠李歸仁蔡希德牛廷玠

向潤容

向式亮翻姓也

李庭望崔乾祐尹子奇何千年武令

珣能元皓

能奴代翻何氏姓苑  
云能姓出自長廣

田承嗣田乾眞阿史

那承慶爲爪牙尙雍奴人

雍奴天寶元年更名武清  
屬范陽郡此因舊縣名書

之本名不危頗有辭學薄遊河朔貧困不得志常歎



曰高不危當舉大事而死豈能齧草根求活耶祿山

引置幕府出入臥內尙典牋奏莊治簿書治直通儒

萬歲之子張萬歲唐初掌廩牧通儒必非其子孝哲

契丹也承嗣世爲盧龍小校祿山以爲前鋒兵馬使

嘗大雪祿山按行諸營校戶教翻使疏至承嗣營寂

若無人入閱士卒無一人不在者祿山以是重之

夏四月壬午劔南節度使鮮于仲通討南詔蠻大敗

於瀘南瀘水之南也武后垂拱元年置長城縣屬姚州天寶初更名瀘南縣考異曰楊國忠傳

南蠻質子閣羅鳳亡歸不獲帝怒欲討之國忠薦閩州人鮮于仲通爲益州長史令帥精兵入萬討南蠻

按南詔傳七年蒙歸義死語閣羅鳳襲雲南王不云嘗爲質子亡歸也九年姚州自以張虔陀侵之故反

時鮮于仲通已爲益州長史國忠傳與南詔傳相違新舊書皆如此恐誤時仲通將兵八

萬分二道出戎嵩州至曲州靖州

分爲二道一道出戎州一道出嵩州

也自戎州開邊縣西行七十里至曲州自嵩州西南行入百餘里渡瀘水曲州本隋之恭州古朱提之地

武德八年更名曲州靖州隋屬協州古夜郎地武德初分協州置靖州舊音髓南詔王閣羅

鳳謝罪請還所俘掠城雲南而去

去年南詔攻陷雲南城必有夷毀處

故請城之以謝罪

且曰今吐蕃大兵壓境若不許我我將歸

命吐蕃雲南非唐有也仲通不許囚其使進軍至西

洱河與閣羅鳳戰軍大敗

使疏吏翻洱乃吏翻

士卒死者六萬

人仲通僅以身免楊國忠掩其敗狀仍敘其戰功

考

異曰唐厓云令仲通白衣領節度事舊傳無之按既掩敗敘功豈得復白衣領職

閣羅鳳斂

戰尸築爲京觀

觀古玩翻

遂北臣於吐蕃蠻語謂弟爲鍾

吐蕃命閣羅鳳爲贊普鍾號曰東帝給以金印閣羅

鳳刻碑於國門言己不得已而叛唐且曰我世世事

唐受其封爵後世容復歸唐當指碑以示唐使者知

吾之叛非本心也

其後德宗之世異牟尋卒復歸唐復扶又翻

制大募兩

京及河南北兵以擊南詔人聞雲南多瘴癘未戰士

卒死者什八九莫肯應募楊國忠遣御史分道捕人

連枷送詣軍所舊制百姓有勦者免征役時調兵既

多

調徒甲翻

國忠奏先取高勦於是行者愁怨父母妻子

送之所在哭聲振野

高仙芝之虜石國王也石國

王子逃詣諸胡具告仙芝欺誘貪暴之狀誘音西諸胡

皆怒潛引大食欲共攻四鎮仙芝聞之將蕃漢三萬

眾擊大食將卽亮翻 考異曰馬宇段秀實 別傳云蕃漢六萬眾今從唐麻深入七

百餘里至恆羅斯城或作怛 羅斯城與大食遇相持五日葛

羅祿部眾叛葛羅祿卽 葛邏祿與大食夾攻唐軍仙芝大敗

士卒死亡略盡所餘纔數千人右威衛將軍李嗣業

勸仙芝宵遁道路阻隘拔汗那部眾在前人畜塞路

拔汗那時從仙芝 擊大食塞悉則翻嗣業前驅奮大槌擊之人馬俱斃

仙芝乃得過將士相失別將汧陽段秀實汧陽郡本 隴州隴東

郡元年改郡名有汧陽縣蓋元魏所置 槌侍鼎翻將卽亮翻下同汧口堅翻聞嗣業之聲

詔曰

詔者候翻

避敵先奔無勇也全己奔眾不仁也幸而

得達獨無愧乎嗣業執其手謝之畱拒追兵收散卒

得俱免還至安西言於仙芝以秀實兼都知兵馬使

爲己判官 八月丙辰武庫火燒兵器三十七萬

考

異曰唐曆云四十七萬事今從寶錄

安祿山將三道兵六萬

幽州平盧河東

道以討契丹以奚騎二千爲鄉導

騎奇奇翻下同鄉讀曰嚮

過平

盧千餘里至土護真水遇雨

自雄武軍東北渡灤河有古盧龍鎮有斗陁嶺

自古盧龍北經九荆嶺受米城張洪監度石嶺至奚王帳六百里又東北傍吐護真河五百里至奚契丹身帳又出檀州燕樂縣東北百八十五里至長城口又北八百里有吐護真河奚王身帳也

祿山

引兵晝夜兼行三百餘里至契丹身帳契丹大駭時

久雨弓弩筋膠皆弛大將何思德言於祿山曰吾兵

雖多遠來疲弊實不可用不如按甲息兵以臨之不

過三日虜必降將卽亮翻下同降戶江翻祿山怒欲斬之思德請

前驅效死思德貌類祿山虜爭擊殺之以爲已得祿

山勇氣增倍奚復叛與契丹合夾擊唐兵殺傷殆盡

射祿山中鞍折冠簪失履獨與麾下二十騎走會夜

追騎解得入師州貞觀三年以室韋部落置師州治營州之廢陽師鎮復扶又翻射而

亦翻中竹仲歸罪於左賢王哥解哥解蓋自突厥來降者解戶買翻

河東兵馬使魚承仙而斬之平盧兵馬使史思明懼

逃入山谷近二旬近其斬翻收散卒得七百人平盧守將

史定方將精兵二千救祿山契丹引去祿山乃得免

至平盧麾下皆亡不知所出史思明出見祿山祿山

喜起執其手曰吾得汝復何憂復扶又翻思明退謂人曰

勳使早出已與哥解并斬矣史言史思明之智數過於安祿山契丹

圍師州祿山使思明擊卻之冬十月壬子上幸華

清宮楊國忠使鮮于仲通表請己遙領劔南十一

月丙午以國忠領劔南節度使

十一載春正月丁亥上還宮二月庚午命有司出

粟帛及庫錢數十萬緡於兩市易惡錢考異曰舊紀唐麻皆作

癸酉今從實錄先是江淮多惡錢貴戚大商往往以良錢一

易惡錢五載入長安市并不勝其弊

先悉薦翻勝音升

故李

林甫奏請禁之官爲易取期一月不輸官者罪之于

是商賈囂然不以爲便

賈音古囂許驕翻又五刀翻

眾其遮楊國

忠馬自言國忠爲之言於上乃更命非鉛錫所鑄及

穿穴者皆聽用之如故

爲于僞翻更工衡翻

三月安祿山發

蕃漢步騎二十萬擊契丹欲以雪去秋之恥初突厥

阿布思來降

事見上卷元年降戶江翻

上厚禮之賜姓名李獻忠

累遷朔方節度副使賜爵奉信王獻忠有才略不爲

安祿山下祿山恨之至是奏請獻忠帥同羅數萬騎

與俱擊契丹

帥讀曰率下同

獻忠恐爲祿山所害白畱後張



暉請奏畱不行

安祿山領河東而張暉爲畱後暉知附祿山而已豈肯從

阿不思

獻忠乃帥所部大掠倉庫叛歸漠北祿山遂

頓兵不進

乙巳改吏部爲文部兵部爲武部刑部

爲憲部

戶部侍郎兼御史大夫京兆尹王鉷權寵

日盛領二十餘使宅券爲使院文案盈積吏求署一

字累日不得前中使賜賚不絕於門

使疏吏翻賚來代翻

雖李

林甫亦畏避之林甫子岫爲將作監鍤子準爲衛尉

少卿俱供奉禁中準陵侮岫岫常下之

下遐嫁翻

然鍤事

林甫謹林甫雖忌其寵不忍害也準嘗帥其徒過駙

馬都尉王繇

王繇同皎之子也帥讀曰率過工禾翻

繇望塵拜伏準挾

彈命中於繇冠折其玉簪以爲戲笑

彈徒曰一翻命中者先命其處而

後中之中竹仲

既而繇延準置酒繇所尙永穆公主

上之愛女也

黃琮曰皇女有美名公主或以德或以容或以福壽設名最多又有郡公主小

國中爲準親執刀匕

刀匕宰夫之職記杜贛曰贛也宰夫也惟刀匕是共爲于僞翻

下準去或謂繇曰鼠雖挾其父勢

稱之爲鼠微之也

君乃使

公主爲之具食

僞翻

有如上聞無乃非宜繇曰上雖

怒無害至于七郎

王鑊第七

死生所繫不敢不爾鑊弟戶

部郎中鐸凶險不灑

鐸何旦翻

召術士任海川

任音壬姓也

問

我有王者之相否

相悉亮翻

海川懼亡匿鑊恐事洩捕得

託以它事杖殺之王府司馬韋會定安公主之子王

繇之同產也

定安公主中宗女下嫁王同皎生繇又嫁韋濯生會

話之私庭

使長安尉賈季鄰收會繫獄縊殺之

縊於

繇不敢言

錁所善邗

邗

與龍武萬騎謀殺龍武將軍以其

兵作亂殺李林甫陳希烈楊國忠前期二日有告之

者夏四月乙酉上臨朝

朝直遙細

以告狀面授錁使捕之

錁意錁在緯所先使人召之日晏乃命賈季鄰等捕

緯緯居金城坊

金城坊朱雀街西第四街之北來第二坊漢顯成廟博望苑展園皆在焉

季鄰等至門緯帥其黨數十人持弓刀格鬪突出

帥

日錁與楊國忠引兵繼至緯黨曰勿傷大夫

言勿傷錁

所部人也大國忠之儻密謂國忠曰賊有號不可戰

夫稱錁之官

也今人謂私記爲號言賊私爲記號以相識別儼苦念翻絳鬪且走至皇城西

南隅京城之內有皇城會高力士引飛龍禁軍四百

至飛龍禁軍乘飛龍殿馬者也武后置仗擊斬絳捕內六閑一日飛龍以中官爲內飛龍使

其黨皆擒之國忠以狀白上曰鋹必預謀上以鋹任

遇深不應與同逆李林甫亦爲之辯解爲干僞翻上乃特

命原錁不問然意欲鋹表請罪之使國忠諷之鋹不

忍上怒會陳希烈極言鋹大逆當誅戊子敕希烈與

國忠鞠之仍以國忠兼京兆尹於是任海川韋會等

事皆發獄具鋹賜自盡錁杖死於朝堂朝直遙翻鋹子準

偁流嶺南僞齒繩翻尋殺之有司籍其第舍數日不能徧

鏐賓佐莫敢窺其門獨采訪判官裴冕收其尸葬之

王鏐蓋兼京畿采訪使

初李林甫以陳希烈易制引爲相

事見

上卷五載易以政翻

政事常隨林甫左右晚節遂與林甫爲敵

林甫懼會李獻忠叛林甫乃請解朔方節制且薦河

西節度使安思順自代庚子以思順爲朔方節度使

使疏吏翻

五月戊申慶王琮薨贈靖德太子

琮祖宗翻

逸諡字既日贈矣無諡字亦可

丙辰京兆尹楊國忠加御史大夫

京畿關內采訪等使凡王鏐所綰使務悉歸國忠

鏐戶

公翻使疏吏翻

初李林甫以國忠微才且貴妃之族故善遇

之國忠與王鏐俱爲中丞鏐用林甫薦爲太夫故國

忠不悅遂深探邢緯獄

探吐南翻 緯作代翻

令引林甫交私鉞

兄弟及阿布思事狀

丁令力翻

陳希烈哥舒翰從而證之

上由是疎林甫國忠責震天下始與林甫爲仇敵矣

六月甲子楊國忠奏吐蕃兵六十萬救南詔

吐從 敵入

聲 劍南兵擊破之於雲南克故隰州等三城

日實錄 考異

兵部侍郎兼御史中丞劍南節度使楊國忠破吐蕃于雲南拔故隰州等三城獻俘于朝唐蘇國忠上言

破吐蕃于雲南拔故洪州等三城按國忠時在長安蓋劍南破吐蕃以國忠領節制故使之上表獻俘耳

時國忠已爲大夫云中丞誤也隰州從實錄

捕虜六千三百以道遠簡壯

者千餘人及酋長降者獻之

酋慈由翻長知 兩翻降戶江翻

秋八

月乙丑上復幸左藏賜羣臣帛

蜀本作己丑當從之 八載已嘗幸左藏賜

羣臣帛矣故此書復復  
扶又翻藏音祖浪翻  
癸巳楊國忠奏有鳳皇見左

藏庫屋出納判官魏仲犀言鳳集庫西通訓門左藏舊有

令丞而已出納判官蓋帝置也是時分立諸使舊來  
司存之官備員莫得舉其職楊國忠方承恩遇領使

最多蓋兼領左藏出納使而以魏仲犀爲判官也宋  
白日天寶二年始命張瑄充太府出納使閣本太極

宮西左藏庫之西則九月阿布思入寇圍永清柵永清

柵亦曰永濟柵在中受降柵使張元軌拒卻之使疏

冬十月戊寅上幸華清宮己亥改通訓門曰鳳

集門魏仲犀遷殿中侍御史楊國忠屬吏率以鳳皇

優得調調徒南詔數寇邊蜀人請楊國忠赴鎮去

楊國忠領劍南蜀人困于兵故請之數所角翻左僕射兼右相李林甫奏遣

之國忠將行泣辭上言必爲林甫所害貴妃亦爲之

請上謂國忠曰卿暫到蜀區處軍事朕屈指待卿還

當入相屈指計日以待之亦爲于林甫時已有疾憂

懣不知所爲懣莫困翻又莫巫言一見上可小愈上

欲就視之左右固諫上乃令林甫出庭中林甫時益

私第上登降聖閣遙望天寶七載十二月以玄元皇帝

清宮以紅巾招之今富貴之家輒巾率以臙脂林甫

不能拜使人代拜國忠比至蜀比必利上遣中使召

還中使疏至昭應謁林甫拜於牀下林甫流涕謂曰

林甫死矣公必爲相以後事累公累力國忠謝不敢



當汗出覆面

國忠素憚林甫故然覆敷又翻

十一月丁卯林甫薨上

晚年自恃承平以爲天下無復可憂

復扶又翻

遂深居禁

中專以聲色自娛悉委政事於林甫林甫媚事左右

迎合上意以固其寵杜絕言路掩蔽聰明以成其姦

妬賢疾能排抑勝己以保其位屢起大獄誅逐貴臣

以張其勢

張知亮翻

自皇太子以下畏之側足凡在相位

十九年

開元二十二年始相林甫至是年凡十九年

養成天下之亂而上

不之寤也

庚申以楊國忠爲右相兼文部尙書

右相

卽中書令文部卽吏部

其判使並如故

判如判度支之類使謂諸使使疏吏翻

國

忠爲人彊辯而輕躁無威儀旣爲相以天下爲己任

裁決機務果敢不疑居朝廷攘袂扼腕

躁則到翻相息亮翻朝直

遙翻腕烏貫翻

公卿以下頤指氣使莫不震懼

懼之涉翻

自侍御

史至爲相

揚國忠兼侍御史在六載七載之間

凡領四十餘使

揚國忠爲度支

郎領十五餘使至宰相凡領四十餘使新舊唐史皆不詳載其職案其拜相制前銜云御史大夫判度支權知太府卿事兼蜀郡長史劔南節度支度營田等副大使本道兼山南西道采訪處置使兩京太府司農出納監倉祀祭木炭宮市長春九成宮等使關內道及京畿采訪處置使拜右相兼吏部尚書集賢殿崇玄館學士修國史大清太微宮使自餘所領又有管當租庸鑄錢等使以是觀之概可見

臺省

官有才行時名

孟行下翻

不爲己用者皆出之或勸陝郡

進士張彖謁國忠

陝郡本陝州弘農郡天寶元年更郡名陝失冉翻

曰見之

富貴立可圖彖曰君輩倚楊右相如泰山吾以爲冰

山耳若皎日既出君輩得無失所恃乎遂隱居嵩山

國忠以司勳員外郎崔圓爲劔南留後徵魏郡太守

吉溫爲御史中丞充京畿關內採訪等使

魏郡魏州京畿關內

先置兩採訪使今令溫兼充

溫詣范陽辭安祿山

魏郡屬河北道採訪使時祿山

兼採訪使故溫往辭

祿山令其子慶緒送至境爲溫控馬出驛

數十步

爲于僞翻

溫至長安凡朝廷動靜輒報祿山信宿

而達 十二月楊國忠欲收人望建議文部選人無

問賢不肖選深者畱之依資據闕注官

選須絹翻考異曰唐麻

此敕在十月二十七日日統紀在七月舊紀十二月甲戌國忠奏請兩京選人銓日便定畱放無長名按國

忠作相始兼文部尚書七月未也今從舊紀

滯淹者翕然稱之國忠凡所

施置皆曲徇人所欲故頗得眾譽 甲申以平盧兵

馬使史思明兼北平太守充盧龍軍使使疏 丁亥

上還宮

還自華清宮 考異曰本紀唐 麻皆云己亥還京今從實錄

丁酉以安

西行軍司馬封常清爲安西四鎮節度使唐制行軍 司馬位節

度副使之上天寶以 後節鎮以爲儲帥 哥舒翰素與安祿山安思順

不協上常和解之使爲兄弟是冬三人俱入朝朝直 遙翻

上使高力士宴之於城東祿山謂翰曰我父胡母突

厥公父突厥母胡族類頗同何得不相親翰曰古人

云狐向窟嗥不祥爲其忘本故也厥九勿翻窟苦骨 翻嗥戶刀翻爲于

僞 翻 兄苟見親翰敢不盡心祿山以爲譏其胡也大怒

罵翰曰突厥敢爾翰欲應之力士目翰翰乃止陽醉

而散自是爲怨愈深 棣王琰有二孺人爭寵

曲禮大夫

之妻曰孺人注孺之言屬正義曰孺屬也言其爲親屬唐制親王有孺人二人視正五品孺而樹翻其

一使巫書符置琰履中以求媚琰與監院宦者有隙

時諸皇子列宅禁城之北宦者監之監古銜翻宦者知之密奏琰祝詛上上

使人掩其履而獲之大怒琰頓首謝臣實不知有符

上使鞠之果孺人所爲上猶疑琰知之囚于鷹狗坊

鷹狗坊屬開慶使絕朝請

朝直遙翻

憂憤而薨

故事兵吏部尙

書知政事者

知政事卽宰相之職

選事悉委侍郎以下

選須三絹翻

注三唱仍過門下省審自春及夏其事乃畢

唐制六品以下

赴選始集而詠勸其書判已詠而鈞察其身言已經而注詢其便利而擬已注而唱不厭者得反通其辭三唱而不厭者聽冬集厭者爲甲上于僕射乃上門下省給事中讀之黃門侍郎省之侍中審之然後以聞主者受旨而奉行焉謂之奏受省悉景翻及楊國忠以宰相領文部尙

書欲自示精敏乃遣令史先於私第密定名闕

十二載春正月壬戌國忠召左相陳希烈及給事中

諸司長官皆集尙書都堂

尙書都堂尙書都省之堂也長知兩翻

唱注

選人一日而畢曰今左相給事中俱在座已過門下

矣

左相卽侍中與給事皆門下省官

其閒資格差繆甚眾無敢言者

於是門下不復過官

復扶又翻

侍郎但掌試判而已侍郎

韋見素張倚趨走門庭與主事無異

吏部主事四人吏職也

見

素湊之子也

韋湊見二百十卷  
睿宗景雲元年

京兆尹鮮于仲通諷

選人請爲國忠刻頌立於省門制仲通撰其辭上爲

改定數字

撰士免翻  
爲干僞翻

仲通以金填之

楊國忠使人

說安祿山

說式  
莢翻

誣李林甫與阿布思謀反祿山使阿

布思部落降者詣闕誣告林甫與阿布思約爲父子

上信之下吏按問

降戶江翻  
下戶緣翻

林甫壻諫議大夫楊齊

宣懼爲所累

累力  
瑞翻

附國忠意證成之時林甫尙未葬

二月癸未制削林甫官爵子孫有官者除名流嶺南

及黔中

黔音  
琴

給隨身衣及糧食自餘貲產並沒官近

親及黨與坐貶者五十餘人剖林甫棺扶取含珠襖

金紫

扶於文翻舍戶  
紺翻疏救豸翻

更以小棺如庶人禮葬之

衡翻

己亥賜陳希烈爵許國公楊國忠爵魏國公賞其成

林甫之獄也夏五月己酉復以魏周隋後為三恪

改三恪見  
上九載

楊國忠欲攻李林甫之短也衛包以助邪

貶夜郎尉

夜郎縣屬溱州貞觀  
十六年開山洞置

崔昌貶烏雷尉

烏雷  
縣屬

陸州

阿布思為回紇所破安祿山誘其部落而降之

誘音酉降  
戶江翻

由是祿山精兵天下莫及

壬辰以左武

衛大將軍何復光將嶺南五府兵

五府廣桂邕蒙  
交將即亮翻

擊

南詔安祿山以李林甫狡猾踰己故畏服之及楊

國忠為相祿山視之蔑如也

蔑無也言視  
之若無也

由是有隙



國忠屢言祿山有反狀上不聽隴右節度使哥舒翰

擊吐蕃拔洪濟大漠門等城悉收九曲部落

吐蕃得九曲地

見二百十卷睿宗景雲元年廩州西南百四十里有洪濟橋

初高麗人王思禮

與翰俱爲押牙事王忠嗣翰爲節度使思禮爲兵馬

使兼河源軍使

麗力知翻使疏吏翻

翰擊九曲思禮後期翰將

斬之旣而復召釋之思禮徐曰斬則遂斬復召何爲

復扶又翻楊國忠欲厚結翰其排安祿山奏以翰兼河西

節度使秋八月戊戌賜翰爵西平郡王翰表侍御史

裴冕爲河西行軍司馬是時中國盛彊自安遠門西

盡唐境萬二千里

長安城西面北來第一門曰安遠門本隋之關遠門也西盡唐境萬

二千里併西域內屬諸國言之閭閻相望桑麻翳野天下稱富庶者

無如隴右翰每遣使入奏常乘白橐駝日馳五百里

使疏

吏翻 九月甲辰以突騎施黑姓可汗登里伊羅蜜

施爲突騎施可汗 北庭都護程千里追阿布思至

磧西以書諭葛邏祿使相應磧七迹翻 邏郎佐翻阿布思窮迫

歸葛邏祿葛邏祿葉護執之并其妻子麾下數千人

送之甲寅加葛邏祿葉護頓毗伽開府儀同三司賜

爵金山王 冬十月戊寅上幸華清宮考異曰舊紀唐麻皆作

戊申按長麻是月無戊申今從實錄然實錄在辛巳後蓋誤楊國忠與虢國夫人

居第相鄰虢國居宣陽坊國忠居第在其西晝夜往來無復期度或

並轡走馬入朝不施鄣幕

婦人出必有障幕以自蔽復扶又翻朝直遙翻下同

道路爲之掩目三夫人將從車駕幸華清宮

三夫人韓虢秦

也爲于僞翻

會於國忠第車馬僕從充溢數坊

從才用翻錦繡

珠玉鮮華奪目國忠謂客曰吾本寒家一旦緣椒房

至此未知稅駕之所然念終不能致令名不若且極

樂耳楊氏五家隊各爲一色衣以相別

樂音洛別彼列翻

五

家合隊粲若雲錦

合音閤

國忠仍以劔南旌節引于其

前國忠子暄舉明經學業荒陋不及格禮部侍郎達

奚珣畏國忠權勢遣其子昭應尉撫先白之撫伺國

忠入朝上馬

伺相吏上時掌翻

趨至馬下國忠意其子必中

選有喜色撫曰大人白相公郎君所試不中程式

亦未敢落也

落謂黜落也  
中竹仲翻

國忠怒曰我子何患不富

貴乃令鼠輩相賣策馬不顧而去撫惶遽書曰其父

曰彼恃挾貴勢令人慘嗟安可復與論曲直

復扶  
又翻遂

置暄上第及暄爲戶部侍郎珣始自禮部遷吏部暄

與所親言猶歎己之淹回珣之迅疾國忠旣居要地

中外餉遺輻湊

遺于  
季翻

積縑至三千萬匹

上在華清

宮欲夜出遊龍武大將軍陳玄禮諫曰宮外卽曠野

安可不備不虞陛下必欲夜遊請歸城闕上爲之引

還

爲于僞翻  
還從宣  
翻又如字下同

是歲安西節度使封常清擊

大勃律至菩薩勞城

新舊書並作賀菩薩勞城  
菩薄胡翻薩桑葛翻

前鋒屢

捷常清乘勝逐之斥候府果毅段秀實諫曰

新書作隴州大

堆府果獲此從舊書

虜兵羸而屢北誘我也

羸倫爲翻誘音酉

請搜左

右山林常清從之果獲伏兵遂大破之受降而還

中書舍人宋昱知選事前進士廣平劉廼以選瀆未

善

廣平郡本洛州武安郡天寶元年更名選須絹翻

上書於昱以爲禹稷皋

陶同居舜朝猶曰載采有九德考績以九載

書皋陶曰亦行

有九德亦言其人有德乃言曰載采采禹曰何皋陶曰寬而栗柔而立愿而恭亂而敬擾而毅直而溫簡

而廉剛而塞彊而義彰厥有常吉哉又舜典曰三載考績三考黜陟幽明三考九載也上時掌翻陶余招

翻九載子亥翻

近代主司察言於一幅之判觀行於一揖之

聞何古今遲速不侔之甚哉借使周公孔子今處銓

廷

銓廷謂吏部銓量選人之所處昌呂翻

考其辭華則不及徐庾

徐庾徐陵庾信

唐正元大庾以前皆尙其文

以觀其利口則不若齋夫

齋夫事見十四卷漢文帝

三何暇論聖賢之事業乎

資治通鑑卷第一百一十六











